

青野漫輯
二

卷之八
目錄
一
二
三
四
五
六
七
八
九
十

卷之九
目錄
一
二
三
四
五
六
七
八
九
十

卷之十
目錄
一
二
三
四
五
六
七
八
九
十

卷之十一
目錄
一
二
三
四
五
六
七
八
九
十

卷之十二
目錄
一
二
三
四
五
六
七
八
九
十

卷之十三
目錄
一
二
三
四
五
六
七
八
九
十



東京大学図書
藏書

青野謾輯卷之二

自我 仁廟反正至丙子虜亂

壬戌正月中殿柳氏諫書上疏曰竊見春秋隣國有患莫不相救况於
父母之如彼乎追思壬辰天朝救我之事則感淚自出矣此非如我婦
女所當與知情極沓：敢此書啓且水路往來甚危方物雖未載持但
陪表文而去則聖節使冬至使皆可往矣而經年不送痛悶同極二百
年至誠事大之意盡為歸虛使臣譯官等厭避何暇計乎

續雜錄

公在北青聞奴酋犯遼廣皇朝徵我兵而朝廷不許府人通到廣寧摠
督汪可受檄我國文覽之泣曰自此國其不復競矣為之傷惋幾至氣

塞

白沙
行狀

○備忘記西宮北牆極為虛疎云急：進築內牆而北牆外大將擇定
各別達夜巡邏譏察多寧軍士十分堅守事令該曹著實舉行

明倫錄



壬戌十二月白大珩與甬瞻續男等相議曰西宮若在我輩終無葬地
造認偉卿曰噬臍不及莫如先事是月晦夜大珩與偉卿托稱儺戲多
率賊黨金鼓呼譟亂入慶運宮謀害慈殿是夜初昏慈殿夢宣祖
黯然來告曰賊黨今方入來不避則死慈殿覺而涕泣宮人問其由
具以告之宮人曰聖靈先諭應有所以小婦請督卧御寢以待之
慈殿從之暫避後苑而賊入宮搜而害之君臣上下皆不知慈殿之
脫矣時頌相朴承宗聞事急多牽下人馳到西宮呼唱追逐以此大珩
不得窮探慈殿之免禍實是承宗之力云光海以為慈殿真死反
正日先問大妃在否初慈殿與宮女潛瘞死節宮人于後苑反正
後出而禮葬

續雜錄

戊午五月公在北青配所夜夢宣廟臨軒柳相成龍金相命元李相
德馨皆入侍宣廟下教名光海曰某也無道我害骨肉幽繫母后不

可不齊李相啓言非李恒福不能決此議趣命宣召公悚然而覺謂子

第曰吾其不久於斯世矣越二日卒

白沙行狀名臣錄合錄

除昭聖貞懿王大妃位號降稱西宮幽閑困辱至癸亥西人救護復

位西宮之讖驗矣

續雜錄

光海十餘年間朝廷紊亂上下離心幽閑大妃於西宮朝暮面害李

鰲城密言於金同知塗曰時事同極顧念儕輩中可安宗社者惟有君

耳因掩泣嗚咽塗知其意

續雜錄

鰲城在光海時為都體察使專管西北面除拜又引金昇平塗為從事

官武臣自申平城景慎具綾城宏具綾川仁屋鄭錦南忠信以下文士

前輩自象村月沙清陰後輩自崔完城張新豐趙浦渚李延陽以下出

入其門者甚盛靖社諸公大抵皆公素儲養也得人之盛古無其比反

正之日公夢于昇平王公曰今日固為宗社者有此舉然此舉一事有大

於是者吾甚憂之諸公勉旃盖指南漢出城也此豈所謂魏公精爽可

畏者耶異哉

南溪集

金昇平塗天姿豪邁器局峻整又善文章有智略嘗於廷試對策論兵
務甚辨世以為將相才因此雖在昏朝屢入元帥之望癸亥靖社衆
皆推為領袖盖由於是也 仁廟潛邸時三幸其家以畵大事

同上

金公塗即金從事之子也公素與相得一日從容請受書即出史略讀
至伊尹放太甲廢書歎曰以臣放君其可乎金公曰太甲顛覆湯之

典刑不亦宜乎公曰今時則何如曰古與今何殊公因泣曰天下安有無
母之國吾不忍坐視顛隳金公曰是吾志也仍問曰屬意何在公曰綾
陽君即 宣祖親孫聰明神武殆天授也策遂決除平安虞侯辭疾不

赴時相朴承宗疑之斥為曉星嶺別將即就途

中平城景
積全誌

金塗與洪瑞鳳朴東善沈器遠等密謀舉義交結武人申景禎李興立

李重老等募聚軍人瑞鳳作詩送于申欽云前日風波畏風波亦已多

吾人睡足處夢唱定風波欽見之知瑞鳳有安社之計而不敢應

續雜錄

具綾城宏與李曙友善一日相與語曰人道滅矣國其亡乎此時豈無

受命之人乎公曰然因舉仁祖大王封號曰此真其人也遂與曙及

公表兄申景植兄子仁垕定議遂皆走關西以偏裨事體使張公晚一

日登百祥樓乘間告以謀張公義而危之終不聽遂辭去

具綾城墓碑

許筠白大珩等希光海意欲因讎作亂事未成而以他罪死民間相傳

大妃已不諱人無不扼腕流涕公在謫得一奇石名之曰龍岩嘗題一

絕曰吁嗟龍芳德何長長卧波心世不知莫笑隆中諸葛老慙慙三顧

豈無時時白和曰愧恨當年漢業衰寢刑為石不求知深潭入處頻回

首空憶隆中覺夢時公喜執其手曰可謂父子知己遂定密議

延平行狀

壬戌公與子時白時昉過長湍之赤壁顧謂二子曰昔蘇洵與其子軾

轍過岳陽橋曰率天不文章二子過此橋吾今與天下節義二子過此地豈不優於蘇家父子之文章乎同上

李忠定貴密有匡濟之意嘗以試公、指不可忠定至舉孟津之事曰今日誓毋之憂商紂之所未有宗社之亡匪朝伊夕吾世祿之臣又與耕釣人有間矣父子遂與定議時訓練大將李興立持重兵在內諸公以為憂使其婿張紳說之興立曰李某宣亦與謀乎紳曰然興立曰然則此其義舉而必可成也遂許諾新豐紳之回報公大喜起拜謝之遂令興立為手書約長湍起兵而興立為內應李廷陽墓碑李廷平行狀合錄

諸公皆已屬意推戴於長陵多登謁於私第而要公偕往公辭曰他日策名臣事之地義何可私謁仁廟嘗有出入公適望見歸而語人曰今觀日表儘非常興馬僕從亦勃、有生氣義舉之成無疑遲川遺事前府使李貴與崔鳴吉沈命世宋英望等亦密結金自點李廷李曙等

招募壯勇未久金李相應為一定為推戴今上之計以金瑬為大將
來往謀議李貴為人不密事頗彰露柳天機知之言于崔澆有源之
子與柳希奮親密故也希奮使其所親金諫論李貴有異志請鞫之

續

錄荷潭
錄合錄

壬戌冬合啓李貴金自點扶護西宮之罪是夜南以恭自柳希奮家來
言禍機朝夕且發可惡解之公即見希奮極言李貴無他狀希奮動聽

事得已

月沙
行狀

癸亥正言韓惟翔等啓曰李貴金自點久畜扶護西宮之謀秋將不遠
請預備光海方與金尚宮遊宴後苑金尚宮執光海手大噉曰外議良
可咤誠之金生寧有此意光海回下曰徐當發落惟翔等又啓曰他日
設有追悔莫謂臣等不言也光海又問金尚宮尚宮呵止之光海批曰
莫以無刑之言枉害忠良先是李貴之女適金自點之弟自兼早寘失

採浪跡於佛堂從事於阿彌事現被囚臨訊願入宮中光海許之及入
宮中交結金尚宮約為母女常言其父及夫兄自點之忠誠不幸見嫉
於大北常欲謀害云々日々訴寃且貸他宮人之銀納之于尚宮者幾
數千兩光海見惟翔等之啓每欲拿鞠尚宮曰誠之貫日之忠况金書
房一介寒儒有何權力得為異謀光海笑而領之絕無疑慮矣續雜錄
金自點以賄賂潛結光海嬖姬金尚宮者尚宮訟其寃甚力故光海不
從金論既傳李貴上疏請與金諫庭辨以正誣告之罪光海亦置之不

問

荷潭錄

時李興立為都監大將其女適領相朴承宗之子承宗聞興立亦與是
謀三司上奏而光海終不允承宗不得已拿致興立於家欲誅之適承
宗子自興自外而入興立趨抱自興之腰而訴寃曰以余謀逆拿致欲
殺此心真為逆者欲得大將反謂余為逆也自興入告曰興立逆謀時

未見發婚家之間經殺非宜承宗乃釋之

續雜錄

舉義密謀已定諸公散處內外不能合并事頗齟齬公憂之癸亥春自郊畿入城通告諸公遂定計公嘗通曉劉青田靈棋占法因以靈棋筮得吉日定師期策功時公之為一等蓋以此

遲川遺事

李貴畝于時相以李曙為長湍府使謀漸泄漏事甚危急乃進定師期即癸亥三月十二日也金瑬李貴等以是日昏奉令上約會于弘濟院李厚源要與李而攷同往蓋而攷惟弘之子惟弘謫江界時金瑬為府使相親故也而攷恐事不成言于其叔惟聖惟聖言于金蓋國蓋國言于朴承宗承宗大驚令而攷詣闕告爰曰金瑬李貴等令方聚軍于弘濟院即夜犯闕而都監大將李興立為內應云政院入啓大臣及禁府堂上會于闕下而是日金自點盛備酒饌納于金尚宮光海方與宮人宴樂而告爰之章故置不下日既暮闕門閉承宗等不得已與禁府

堂卽退于闕門外備邊司以待之既夜李斗陽率軍三十餘名馳赴約
所寂無人形方憂狼狽之際忽見一點火光明滅於西北山下趨而候
之李貴以下皆會獨金瑩以大將不來二更初李曙率長湍軍三百餘
名而至李起築時爲長湍先鋒將仁祖以軍期差遲親自前往迨候
至迨曙驛前相逢起築下馬拜伏路左奏以長湍領軍來到狀上卽
解御袍而衣之李适曰事已急矣不可等待金瑩遂坐起床部分整隊
而瑩且至矣适曰兵法後至者當斬瑩曰先至者亦當斬左右分解三
更奉主上正部伍斬斡義門而入過斡義洞喊聲震天承宗爾瞻等
驚惧駭散皆踰城而走義軍至昌德宮金虎門守將朴孝立開門迎入
放火木積迨及宮舍蓋舉義之人告其家人曰宮中大不起皆走投江
云故放火報之光海驚駭逃出入直承旨將官衛士等皆逃散上定
坐于敦化門內分軍守西宮令八直臣僚下庭拜賀兵判權縉以下皆

顛倒四拜伏地聽命。惟承旨李德涓校理尹知敬植立不拜。左右問何不拜。德涓曰：「身為人臣，何可不知而遽拜乎？」左右曰：「綾陽君奉大妃舉義，反正知敬曰：『然則何以焚燒宮舍？』曰：『軍卒失火而致之，非故放也。』二人泫然曰：『若是則前王何以處之？』曰：『厥罪雖重，待以不死。』德涓知敬遂行四拜。李明漢詣闕上謁時，上以未受。母后之命故坐胡床于闕庭。明漢趨拜于前。上曰：「以爾為校理，其與張維同撰教書以告八方。」明漢即趨詣之。張公驚曰：「位號未正，有此除拜，何也？」遂趨進。上前請改正。上許之。成儀甫定，播告城中，不使驚擾。散遣軍校逮捕凶黨李爾瞻三父子、韓續男三父子、李偉卿、白大珩、鄭造、尹訥、朴鼎吉、李挺元、金尚宮等，拿致軍門。陵遲處斬，籍沒緣坐。分遣使者平安監司朴燁義州府尹鄭遵忠、清兵使韓希吉各於任所誅之。鄭仁弘拿來斬于市。依律處斬其餘凶黨，分輕重或死或竄。

嘗聞反正日諸公肅清宮禁之後散歌于闕內余之從曾祖咸陵李公
獨坐于某處沈器成走來告曰宮中所收之物自 上有教使元勲分
給於諸功臣處君盍與我同往分之乎公辭不去器成請之甚強至挽
袖起之公奮然曰此豈君外家分財乎真家分財乎君則去矣又何挽
我乎器成憮然而去聞者絕倒公嘗曰吾之叅於義舉者只為家國而
發公之考大諫公論仁弘爾瞻等為其反蜚格棘絕命皆謂後命朝夕將降公之伯兄翰林公至憂憤而卒初非有利祿意
以此功臣等例受茅宅田民并還納而一不受之又歛避要地而浮沉
於閑漫之班竟致仕而卒

陽坡嘗云反正勲臣固多人望而以後來處心持已觀之則當初一毫
不以富貴為心純出於為宗社者亦無過數人如遲川谿谷及咸陵諸

是已

昆倫集

時議欲為舉義人別設一科公入對論其苟私上即從之

愚伏行狀

對

○光海時沈相悅為咸鏡監司作銀器皆刻己名納于宮中蓋欲使光

海常目在之不忘也。光海見賄賂銀兩之在宮中者，上命籍下于戶曹以補國用。沈之銀器亦在其中，大為士論所唾鄙，而以其本時人故，猶不見廢。丁丑夏後，崔相鳴吉當國，喜其附己，排羣議，卜相當此國家危急，雖得伊呂之佐，猶惧不濟。用人如此，安有中興之望？余為崔相恨之。其時余適承召上京，謂崔相曰：「聞公有爰立沈公之意，然否？」崔曰：「領相有此意，未知何如。」領相則李弘胄也。余曰：「不聞銀器刻名事，不古。今寧有如此人作相而可濟時艱者乎？」崔曰：「然未幾，願相病卒。余下鄉間之，則沈竟作相。」

荷潭記

國恥之難雪，或可諉力弱而尊用廢母人是誰威脅而敦迫之耶？若如此，初何用舉義為哉？時沈悅以曾叅光海時庭請之人，方為領相，故公疏及之。

俞杞平伯
曾墓碑

謹按庭請廢母是何等罪累而又復刻名銀器，納以私竇其人平。

生可斷於是而言之污口殆甚於燕山朝充輦夫而袖筆硯者若使清議少張則渠何敢廁於朝端而拘於朋私汲々枚卜如此而尚可謂之會朝清明乎李景稷南以恭之見挾清塗真是總小功之察慎素隱之不仕恐不但罷榜一事而已也

○上特命公為扈衛大將申景禎為副將金自點沈器遠沈命世宋英望等為從事李曙李适李興立等皆屬焉不受節制者令先斬後聞時庶事草創六曹百司未及置貲凡所設施皆出公手

适平
行狀

時光海在昌德宮而幽大妃於貞陵洞行宮即所謂西宮也始諸公相議曰西宮湫隘難容人衆恐不能無生得失不如奉往昌德宮以定位號公獨曰此事光明正大寧有別慮且主上不躬請而使人奉迎於理有違不如留兵昌德宮而主上親詣西宮問安仍請復位於正殿數光海罪而廢之如昌邑故事可也諸公不以為然是日公承命與

都承旨李德洞備儀物如西宮奉迎 大妃不許公使其子時白

上：即命駕詣西宮問安 大妃遂下丹立之命

延平
行狀

是日光海由北門踰牆跳出而不知所向直往慈壽宮

僧路逢鄭夢弼

之進馬與嬖姬邊氏同騎到其所親安國信家乃著國信表中所著之

白狗皮耳掩生布天翼麻帶繩鞋將欲轉往他處之際為醫貧鄭楠壽

所告遂擁耒入處都摠府 上謁于西宮納賢璽 慈殿教曰見達理

方知汝等事遂以所著乘小黑轎進詣西宮入伏于庭 慈殿教三十

六罪呼唱面責心欲殺之 上極力諫止遂令告于庙社

續雜錄明
倫錄合錄

昭聖貞懿王大妃若曰天生蒸民樹之后辟蓋欲使叙彝倫立經紀上

奉宗庙下安黎庶也 宣祖大王不幸無嫡嗣因一時之權越長少之

序以光海為儲貳既在春宮失德昌著 宣庙晚節頗有悔恨及至嗣

位之後反道悖理因有紀極姑舉其大者予雖不德然受天子之誥命

為先王之配母儀一國積有年載夫為宣廟子者不得不以

予為母而光海聽信謠賊自生猜隙刑僇我父母魚肉我宗族懷中孺子集而殺之幽廢困辱無復人理是蓋逞憾於先王又何有於未亡

人至若我兄殺弟屠滅諸侄擗殺庶母屢起大獄毒痛無辜撤民家數千區剏建兩關土木之功十年未已先朝耆舊斥逐殆盡惟姻婭婦

寺逢惡從史之徒是崇是信政以賄成昏墨盈朝輦金布官有同駟僧賦役繁重誅求無藝民不堪命嗷嗷塗炭宗社之危若綴旒然不惟是也我國服事皇朝二百餘載義即君臣恩猶父子壬辰再造之惠萬世不可忘也先王臨御四十年至誠事大平生未嘗背西而坐光海忘恩忘德罔畏天命陰懷貳心輸款奴虜已未征虜之役密教帥臣覘覷向背卒致全師投虜流醜四海王人之未我國拘囚羈繫不啻牢狴皇勅屢降无意濟師使我三韓禮義之邦不免夷狄禽獸之歸痛心疾首

何可勝言夫滅天理斁人倫上以得罪於皇朝下以結怨於萬姓罪惡
至此其何以君國子民居 祖宗之天位奉庙社之神灵乎茲以齊之
綾陽君某 宣祖大王之孫定遠君茅一子也聰明仁孝有非常之表
宣庙竒愛之養於宮中命名之義厥有微旨 憑几之際握手嘘唏屬
意深重異於諸孫令者奮發大義討平昏乱脫予囚辱復予位號倫紀
得正宗社再安功德甚懋神人所歸可即大位以緒 宣祖大王之後
冊夫人韓氏為王妃故茲教示

谕 集 答

癸亥將迁光海于江華公啓曰水路險惡請由旱路安行 上允之而

曰 慈殿使各處廢妃於別島予不忍為母寧受責於 慈殿

昇平 墓 碑

公聞光海將迁江華言於大臣曰廢主雖自絕于天群臣曾所北面當

哭送左右失色不答公欲獨為之聞已出去不果

鄭守 墓 碑

安置光海及妃柳氏世子衽及其妻朴氏于江華各置東西門內齊世

子時年二十六在舟中吟詩曰塵寰翻覆似波瀾何必憂愁心自閑二十六年真一夢好須放去白雲間又於圍籬中有詩曰本是同根何太薄理宜相愛亦相哀緣何脫此樊籠去綠水青山任去來

續龍錄

廢世子與妻朴氏在圍籬中夜率從人掘地遂逃出為守卒所覺拿入之際朴氏在內已縊死矣守圍別將權綵拿鞠行刑遣都事李惟馨賜廢世子死

同上

廢世子賜自盡領相李公元翼執義李公浚掌令尹公煌以為不可全論將攻之公力言不可遂得已

趙甫諸謚狀

大妃屢請教光海公潸泣曰光海自絕于天雖在當廢老臣嘗所臣事

非所忍聞

名臣錄李元翼傳

光海嘗病公引

中廟侍燕山規曰臣之事光海十有餘年矣大馬之

懷豈無舊情哉仍潸隨言零

上為之動容命送衣服供用之物

身夢全碑

○時以而攷告爰方設鞠廳故承宗甬瞻等皆在備邊司聞軍聲大震
皆脫身而遁平其家累踰城出走到漢江：亭換著木手草笠狐皮耳
掩綿衣將走嶺南踰利甬峴止于墨坊官軍追捕拿來

續雜錄明
倫錄合錄

送甬瞻等正刑後頒教文 王若曰送甬瞻奸臣之後布井之後
妖狐毒螫鍾而成性林甬蔡檣合為一人詐術欺世旌表其門自以為
孝全昧文義剽竊類語自以為能文爰自筮仕之初已有擅亂之漸人
有佞已者諂笑而迨譽士有勝已者陽慕而陰中 宣庙埶具奸狀屏
黜多年積怨 宣庙有同私訾密交仁弘媒進昏朝用賂結婚交通宮
掖及其權勢已成陰懷篡奪謀起送獄以專生殺之權與賊筠金園無
賴之徒結為腹心日夜謀議始啖申慄於鳳山誣殺黃赫諸人次起晉
陵之獄緹誘鄭浹於北路廣引一隊士類捏成永昌之獄追刑之酷及
於國舅逼殺之慘忍於孺子陰送世曾猝起海獄崔沂忠告斥言赤族

株累死徙殆過數百及賊筠逆謀之芥乃反援面而告度要掩其迹自
莅其獄南門之榜賊筠自製耕俊之檄應旻所作仁俊之招狼籍前後
而榻前厲聲箝制諸臣一不究問掩口經殺天日難欺路人所知至於
仇景祿朴景立卽育門庭釀成逆謀聚糧鍊械諸招昭在乃使元燁之
奴厚賂獄卒竊負而逃事迹既發法當待命圜扉而盛氣直啓自誇忠
孝王獄罪囚白曰菡出金吾往捕拒之不給古今天下寧有是耶久占
文衡把握人材以科舉為誘引凶徒廣植私黨之計未解蒙之諸子皆
擢寬科不識字之村氓驟踰撫仕七大文講經預出題及筭舉國奔波
有同歸市墾鴨島之郊割占膏腴斫陵寢之木公然輸載兩宮經始之
役十年而未完五家僭制之構彌一洞而連雲一國工匠全隸其門四
方財寶山積其庭怙侈窮奢富踰李氏而人反頌布被之儉侵民奪人
毒如狼羊而人反插下士之恭及其群心齊激萬人共指宗戚陳䟽草

野抗章則言未入圍白簡隨至或殺或杖竄者不知其幾仍指為某人
所噤某人所製恣意憚効必欲置死嶺仗四百畝義叫閭則謂之張弓
挾矢謀陷逞獄秦坑之灰復燃漢黨之籍將錮廣招美新之徒自製頌
莽之章熒惑君心賁制館學人皆重足莫保朝夕使元老遯荒賢相流
竄忠良屏逐妖孽布列納銀除拜毒害生民為占五勲諂上虛号盡昏
君之心志繫昏君之手足具窮凶極惡之狀擢髮難悉至於大論則尤
不忍言密噤幽疏陰啓昏君收議之際倡說廷臣賁之以死誘之以利
至曰唐庙數罪雖不可為漢庭廢黜盍從寬典終乃攘臂 數慈殿十
罪使館學通文八道噫以臣子數罪國母是可忍耶以廢黜尚云寬典
將欲何為幽閉之辱過於十年神人之痛至此而極履霜堅冰所由者
漸矣食土含土人得以誅之逞魁鄭仁弘以蛇蝎之性鬼蜮之心始雖
盜名於林下特一豪強品官中焉托跡於義兵惟事武斷鄉曲收聚頑

鈍之徒私倡恠鬼之學李彥迪李滉東方大賢而因憾疏斥不有餘力
鄭蘊李大期直言被罪而從以下石略不伸救士心咸憤門徒皆叛與
賊魁甬瞻表裡聲勢迭相推薦塗抹山野冒據鼎軸導昏君亡以刑獄
倡脩流必以諂佞私親八庙之議該曹教年力寢而一言贊成終勸上
奏登筵先薦施文用風水之說竟起土木之役癸丑之獄陳劄肆虐指
大君為園中殞豕大論之發首倡先廢後奏之議至此於哀姜文姜且
以為不共戴天之讐幽閉之禍決於其言使綱常斁絕人理晦塞人之
為惡孰謂至於此極老而不死天心有待今日韓續男鄭造李偉卿尹
訥等皆甬瞻之奴隸腹心也其交通宮掖作弊中外貪虐縱恣之狀與
甬瞻無異海獄之慘續男專主而廢母之論或自韋布而抗疏或自金
罔而首發同惡並依律施行其餘則或誅止其身或流放遠裔並從惟

輕之典云々

同上

○典翰韓晤修撰韓昶別坐韓晤等續男之子也續男逃匿于果川其族家壁藏中軍官追捕以來并正刑

明倫錄

○時朴自興為京畿監司是夜承宗還家與自興走楊州令牧使朴安禮起兵赴亂傳令水原防禦使趙有道興兵合勢朴安禮起軍進至險川趙有道亦領軍將發朝廷令申景裕馳諭安禮有道罷兵歸順承宗自興超其墳庵同繩縊死承宗臨死書衣曰不能正君以致今日沉淵自死以謝天地神祇云承宗雖貪濁宗多衛護

母后之功

同上

朴承宗矣廢主走死正言洪錫請加褒崇上特罷錫玉堂上劄曰朴承宗在往時與爾瞻角立爾瞻每以起獄殺人為事而承宗每欲救解至於辱及慈殿之論承宗則與爾瞻相反終不助其凶逆之計此則承宗之事所以異於爾瞻等諸賊者也然光海悖逆前古無有承宗身為首相誰任其責非但無所匡救乃又有逢迎縱吏之事斷以王法固

不容於誅矣。愍懷之廢張華雖嘗諫陽林責其何不去位則張華不能
荅函開。慈殿雖曰甬瞻之事承宗烏得免其責乎。又憑藉其尾以濟
其貪奢之欲田民幾遍一國自國朝以來人臣貪縱未有甚於柳朴者
也。其取犯既是非常之罪則所施亦當用非常之罰籍沒家產豈有不
可且洪鎬以承宗之死為死節使承宗入衛宮中捍禦而死則謂為廢
君死可也。逃竄僧舍自經而死此正所謂與人刃我寧自刃者也。豈是
為廢君者乎。但不無羞愧之意則其死與希奮等之罪稍有間耳。雖使
為廢君捍衛而死乃是致亂之臣死不償責者也。况其死本非為廢君
自無可廢之節而其罪則乃人臣之大罪決不可容貸者也。洪鎬乃欲
以其死掩其罪人之心智愚暗有如是之甚者乎。鎬言雖愚妄不害為
有懷必達且其心以為此乃今日難言之言也。故自謂能言人所不敢
言之言正宜容之以來言者云々。

上下教曰承宗雖不力主廢論陰喉起獄無異甬瞻等未能詳知而有是言耶趙翼等辭職待罪並許通

明倫錄

○府院君柳希奮叅判柳希發等待命于南大門外或有貸死之議上下教曰不誅希奮等烏在其為義舉也蓋以臨海永昌晉綾昌陵之禍皆由於此人等內外締謀構成故也

同上

拿致柳希奮希發等處斬皆廢中殿之甥也希奮小北希齊大北故兄弟不相容希奮以濁亂朝廷死

續雜錄

○時朴燁為平安監司貪淫暴虐連作長房聚道內名娼百餘名日常同處晝夜娛樂長為風馬之戲一日需用六七十石刑殺慘酷人不聊生至是宣傳官及都事奉密旨馳到元帥府時都元帥韓浚謙在中和以密旨付帥府使之依旨為之都事等馳向義州蓋鄭遵方為義州府尹故也帥府令別將數人率軍五百餘名送平壤與本城留防別將等

相議令軍中曰邊警甚急今當齊向義州諸軍即刻皆聚普通門聽甘
結軍中汹沮一時各會令分左右行軍圍大衙燁方坐長房鼓樂酣宴
閣禁至嚴軍人踰牆打破門鉄衙奴告寢于長房燁大怒曰惟我在
何從生別將等操弓矢入立階上使之捉下燁專不動心坐而不起出
示元帥府傳令然後緩下庭著枷出置城內人家燁曰我別無大罪
未知此何事也促令係頸衆軍引索猶不死刀手直入帝足命乃絕即
於街上行刑娼妓等來覩或曰汝皆以監司寵姬臨死不哭恬然立視
何也妓等荅曰使道前聽令來矣相與歡笑而去持刀鋤者四面雲集
爭入割肉別將等不能禁令本官急入棺殯于人家留兵守直道內
仇人聚集剖棺出屍寸寸斬截頃刻無點肉骸骨將盡庶尹判官用諭
終不聽僅收殘骸五六節入櫃藏匿新伯金蓋國到任以方伯之令其
妻妾持骨櫃無事渡江及至黃州民奪其櫃投之江妻妾僅以身步

歸京城都事等到義州斬鄭遵

續雜錄

諸賊正刑秩從其輕重或斬或絞

叅判朴鼎吉承旨朴弘道叅議白大珩正郎徐國禎叅議李挺元持平
韓正國正郎洪堯儉司諫辛光業持平鄭潔正元暉校理李沆佐郎李
日馨正郎韓定國典翰黃德符護軍朴宗冑掌令蔡謙吉應校李尚恒
府尹鄭遵等罪惡彰著無異續男叅贊李覺屢為憲長自任廢母之論
判尹韓希吉誘資應犀誣及大妃時在忠清兵營任所梟首境上牧使梁漢虐使府夫
人納媚賊魁縣令洪衍箕同惡賊筠謀犯西宮洗馬李滄屢投函廢母
后追刑國舅之疏都事宋文奎前發國舅追刑之論及今送人洛州之
時自願先往以為免死之地其計尤極凶巧分承旨鄭榮國曾為海州
牧使受嗾賊臣表裡大珩鍛鍊崔沚獄事郡守俞世曾罪同榮國護軍
尹三聘朴應犀安弘祉等受賊陰嗾誣告士類府使池應鯤縣監金忠

輔郡守李文賓縣監金純郡守權忠男同知鄭夢弼宋敬臣王明恢劉
夢玉禹續舜等俱以賤孽奴隸交通宮禁納賂得官罪惡昭著依諸賊
例陵遲籍沒縣監尹天承姜翼等俱以逆魁孽屬帶劍隨鼎吉冒入闕
中謀欲作亂事覺伏誅花山君趙龜壽以嬖宦作弊民間李以紋預知
義舉反為告寢察訪鄭雲著尹思儉郡守李應星李汝成鄭之準林金
僉知僧性智男巫福同郡守李再榮前後函疏多出其手代述竊科不
知其幾杖金尚宮罪惡最甚陵遲尹淑儀遘尚宮罪惡昭著賜死鄭昭
婉自經而死并籍沒府使李元燁叅議李弘燁大司成李大燁叅議李
益燁等爾瞻之子也並正刑大燁飲藥自殺

明倫
錄

安置秩六十六人而不能盡錄

順寧君景儉茂林君善胤等廢母之跡極甚函恡司諫林健南海掌令姜燧
持平鄭良胤金昉等前後論啓無不同叅執義韓詠義旌合啓廢母極其

凶慘倡率無賴追刑國舅典翰吳汝楫岬甬瞻腹心仁弘手足兩賊凶

疏無不相通校理林漢陽前後論啓無不同叅府使成夏衍泗猷納安

應魯翰林南省身等同惡偉卿首倡廢論檢詳柳活吉與造訥首齊廢

母之論正即李元興浦送魁凶謀無不與知持平鄭湛掌令朴光先

思柳震禎持平趙存道李清津等凶廢母后誣殺大君之論終始據

當正言申伯佐郎朴宗胤鍾修撰吳益煥吉等合啓廢母語挫凶慘郡

守宋榮祚縣監申廷瑞巨都事崔公望等疏辭尤極凶慘學錄李榮久

遠以新榜生負西宮誦之以警庭不為謝恩都事禹弼甸旌叅奉李

衍巨禹弼舜珍尹伸等罪同成夏衍鄭淇慶以館學掌議教罪通文

錦溪君朴東亮提起咀咒之說語侵母后極其凶慘判書柳縉以光

海嬖臣羅織應犀之獄續男拾其緒餘遂成滔天之狀曾為水原府使

以其私憤擅兵越境屠殺士夫污辱婦女又為咸鏡監司多造奇玩

媚悅廢主

後為閔聖
微擅殺

承旨黃中允迎合廢主語侵天朝主張附虜之論

縣監申純以申慄之父教子搆捏以成其獄佐即奇俊格

濟州

曾在丁巳

陳䟽上及搆誣國舅及沈愼父子曰謀立永昌又曰弘老連姻於沈愼

為金悰男及永昌也又曰戊申沈愼恐其覺自盡又舉審食其之說指

斥

慈殿

後俊格
伏誅

牧使許廷式罪惡無異朴燁郡守沈大復惑於妖妻

因辱其母縣監李祥為爾瞻娣夫盜割鴨島據棄民田及茅李宗英

濟州

受嗾逞魁搆陷嶺南多士安全

雲山

附會廢論得罪倫紀徐兢徐兢

旌義

廢

母之論極其凶慘郭有道

與陽

鄭滄

陽德

等獨䟽廢母罪惡彰著鄭之

文

海南

屢投函䟽措語尤慘水使李愔

提川

剝割軍民人欲食肉叅判柳

希亮金正柳希安等希奮同生弟也

希亮後以其子斗
立謀逞連坐絞

鄭灌武將仁弘

三寸侄府使奇順格本以賤孽賄賂得官

後誅

執義鄭道造同生弟也

同上

遠竄秩一百二人而不能盡錄

判書任就正以後宮親屬交通內外

後謀逆扶斃

叅判崔應虛

牙山

爾瞻鷹犬

附會廢論大司憲南瑄

潭陽

擔當廢母之論漢昌君趙國弼

伊川

交通宮掖

締結逆魁右尹張世哲

定山

判決事沈宗道

高原

爾瞻仁弘結為腹心凡所

謀議無不與知叅議辛義立

吉州

與大珩合為一身叅議金緻逆魁腹心

久據銓衡誣殺大君之惡甚於弘道應教韓玉

昆陽

掌令李時損

鍾城

等逆

魁鷹犬惟命是從掌令李廷逆魁腹心反正之後走入漣川招聚逆黨

顯有可超之迹正奇允猷指喉蘇鳴國構成大獄

後伏誅

正即任興後

安過

丁巳收議有不可以國母待之、語猷納沈之清

德原

丁巳收議極其凶

慘正即申拭

順天

廢母之議終始擔當猷納任咒之

靈光

權誼

洪原

等爾瞻腹

心有同親子

後咒誅之

司藝尹昉

與陽

合啓以母后為不共戴天之讐正言韓惟

翔陰謀秘計有不忍言庶尹李必達收訖有西宮罪惡貫盈之語而以

其同叅義舉之功咸等削黜佐郎宣世徽水三廢母獨疏極其凶慘司錄

羅萬祀利城都事蔡有濟津康鄭清岩吳鄭漢華以館學齋任厯數十条通文

八方留守任吉後以後宮親屬媚悅取寵叅判金尚寓吉州癸丑原情極

其無倫以比甬瞻所製赦文有曰朴東亮兄弟共證裕陵詛呪之曲折

金尚寓父子亦言路人所知之情狀統制使元守身雖營之後趨不上

未有同覲望正字金以一及第李溥芳鄭渾鄭晚辛敬業等以逆賊腹

心屢投山疏生負陳好善丁巳之疏有曰鞫自獻因斬恒福等語翰林

柳命立王浦縣監柳時立柳後立柳等希吞子王簿柳福立希吞妻子柳

英立柳顯立等希吞子尹思真訥三寸侄鄭校仁弘之孫也仁弘之逆

之事校實德更往來甬瞻偽作祖書科人宦人惟意所欲及第任徽之

璠朴思翼等戊午徵事已為發配仍其配所大司諫鄭達浦知西造同生

李英植元燁子瀛州君柳浦州廷魁腹心王張廢論同上

中丞付處秩

府院君李時言汚廢母之日別為上疏辭極悖惡罪甚造訛後叅判李

惺與鼎吉等陳劄有去草不去根之說通天之罪不下造訛後承旨柳

敬宗爾瞻腹心與聞謀訖後杖斃右尹李汝儉奴事爾瞻附會廢論仍此

為功且竊科茅削其科司諫蔡承先風締結凶徒共倡廢論輔德任性

之報思締結凶賊尤極悖惡後杖斃護軍金崙原掌令郭天豪清等罪同承

先後崙杖斃正言朴成章忠交通宮掖締結凶魁後校理李岭恭佐即南湏

羽伊締結凶賊共倡廢論猷納曹挺立黨於山逞倡廢母之論正言李

孝誠洪奉教洪景艇橫受凶賊之叩育釀成廢論修撰李慕長罪與李

岭同說書鄭晟金及弟李炯長廢母之疏首倡擔當炯前科佐即鄭大容

珍殺大君廢大妃無不擔當後遠斃兪正金鐸龐科場代手無所不知後誅

鄭忠立任猷之揚時益李藻閔禧趙滄閔絜柳健鄭龍瑞金紘等附會

廢論得罪倫紀校理朴自穀

錄

朴自全

梁

等承宗子自穀削科承旨韓

履謙

橫城

縣監韓允謙

洪川

典籍韓克謙

恭安

洗馬韓好謙

海美

等孝純子佐郎

閔明哲

牛峯

主簿閔宣哲

忠州

察訪閔迪哲

近安

等夢龍子李進

歙谷

風附賊魁

製給山䟽科場代手無異再榮府使趙有道貪贓之罪濁亂之惡權淑

仅

連山

許淑仅

堤川

洪淑儀

保寧

元叔仅

洪州

等並光海後宮

上同

削黜秩二十人而不能盡錄

左議政朴弘耆交通宮掖諂附賊魁殺士之獄獨自擔當

後達誅

叅判柳

夢寅諂附凶魁久秉銓衡汲引賊徒賄賂公行

後達誅

大司鍊俞大達與

南瑾任就正相為表裡所論凶悖叅議金夢帛叅議李用晉等大君之

死避嫌之辭極其凶慘

後用晉誅

府使朴晉章挾其父兄面竊科第肆行

壑欲牧使趙有恒藉其父兄面得州牧聚歛民產縱酒濫刑掌令鄭弘

遠家行悖惡得罪人倫校理尹聖任校理李慶益校理趙裕善等黨附

逆賊共為廢論

後慶益
杖斃

正言金振遠檢閱申拯恠之弟叅議宋俊正言俞續曾監司黃滄中

同上

追削秩十四人

領議政韓孝純右議政閔夢龍等倡率百官肆為廢母之請罪惡貫盈而其身已故雖不得施刑於枯骨追削官爵兩賊之子並定配府院君金信元判書許箴大司憲崔有源大司憲尹孝全等依逢君覬利之心搆劔推無根之說云々傳曰孝全則金應璧詛咒之獄竟無一言救之此事關係陵寢忝入罪目贊成李冲服食之妖機技之巧締結宮禁至於內人出宿其家晷刻恩寵日超月迁終至於議政之除濫及於命盡之時大司憲宋諄父死賊燒坐視不救諂附逆魁晷據銓憲引進凶徒羅織搆捏殺同氣危母后之論無不先登叅贊朴槿大司諫李昌後等阿諛愆吏神出鬼沒釀成癸丑之變竟作滔天之秋冲諄槿昌後等

四凶通天之罪顯戮雖未及加陰誅寧可得免叅判申慄壬子之獄教誘供招附會鍛鍊姦上天誅未加兵使鄭沆為江華府使時逼殺永昌府使李挺彪為喬桐別將時逼殺臨海并削其官爵兩賊之子亦配掌令丁好寬首發當殺大君之論仍成幽廢母后之階其身雖已作故其罪不可不討

同上

甲子金蓋國為都承旨公言蓋吐曾製廢母庭請啓辭欲劾之於是諸宰中三四人皆嘗叅庭請故相絀為知申皆引不出朝著為之聳動

俞杞平伯
曾謚狀

謹按反正初完平為領相揪灘為大憲主論於廟堂金罔而但以忠厚之人討罪之際金尚緩論遂使凶逞之輩多保首領固已為失刑而或有罪同罰異刑章紊亂其不事殺戮雖賢矣而終難免後世之誡也

○仁廟即位後大赦教書王若曰惟我國家列聖相承家法最正以仁為政以孝為理昊天不弔遂值否運粵自十數年來賊臣甬瞻熒惑君心苗竊國柄仍搆母子之隙竟成曩倫之變幽廢別宮僂辱備至金墉之袂迫在朝夕况乃倍天朝父母之恩滅我東禮義之風三綱掃地胡可忍言至如侈慾之無度政刑之紊亂民怨神怒外潰內訌足以亡國殄祀猶是薄物細故悉具慈教無煩贅叙予以薄德承先王餘訓恪守宗邱若將終身幸賴二三忠義之臣悶宗社之危亡懼曩倫之殄滅奮發大義克定內亂既復位号於慈殿因願推戴予寡躬予下迫群情上承慈旨若隕淵谷其何以堪爰思履端之初立舉更始之化自戊申以來凡千羅織之獄株累之坐及以言事得罪者悉皆蕩滌諸營建土木興作之役調度等官掊克聚斂之類一切革除其他侵民病國如戚畹權貴家諸處屯庄減稅復戶等事並令查檢刮去內需司大君房

被奪民田一、還給自今年三月十三日昧爽以前雜犯死罪以下並
皆赦宥以示維新之意

集 谿 谷

○宗親府呈毛都督文曰廢君 昭敬王側室茅二子也少時虛譽頗

行而長子臨海君狂悖又壬辰被擄 先王越在西陲因時決策立廢

君為世子戊申 先王疾未革而暴薨廢君襲位即召 先王時得罪

放逐奸臣李爾瞻鄭仁弘等授以國柄又蒸 先王所幸後宮金氏惟

言是聽爾瞻等締結金氏相為表裡凡其所殺其母兄一人大君一人

先王後宮十一人而其中名應姬 先王播越時常從幸者也先王孫

二人王妃金氏父及兄弟四人而其餘搢紳誅戮者不可勝數至於欲

弑母妃幽閉別宮請弑之人無不優獎蠹爾奴賊大邦為誓固天下之

所共憤小邦群臣尤為枕戈礪兵以報皇恩而不惟無意敵愾乃反與
賊通陰教將領使之投降以致王師敗績每戒邊臣勿與賊戰是廢君

不但為一邦之罪人宗天下之罪人也其性情行事又與常理反縱其
所蒸金氏使之恣行罔罔私乱外人又喜巫覡男人女服出入宮禁除
官斷獄皆以賄賂大小差除各有定價而一邑之價或踰千兩得邑之
人爭務進奉四方貨賄輻湊宮中至於神宗皇帝所賜深河死事陪臣
金應河家屬銀二萬兩盡輸入宮中不以銖兩給其家云々

浦渚集

○朝鮮國昭敬王妃金氏謹奏為獨夫自絕于天懇乞聖明特降嗣孫
冊号以安宗社以固藩邦事妾竊照先臣昭敬王不幸無嗣以已故妾
金氏出光海君瑋請為承襲嗣位以來反道倍德積失人心妾尋常戒
告庶幾懲毖而聽信謠言自生猜貳不以子道事妾刑戮我父母魚肉
我兄弟虐殺孺子闔門被屠殆靡孑遺將未亡人幽廢別宮者十有一
年並錮戶圍勺水粒米亦皆裁制四兵環守迫妾自決或驅儻入宮以
謀搏殺或巫蠱咀咒以貽毒害凡可以殺妾者無所不用其極昭敬王

之後宮或亂之或殺之原其罪惡浮於楊廣矣昭敬王至誠事大神宗
皇帝極加嘉獎壬辰倭寇之圍入也發累萬王師糜累萬帑銀勦倭過
海再造東藩三韓之人思有以報鴻造之萬一而逮聖皇帝踐祚以來
錫賚便蕃綸音諄切琿反與奴賊連和皮幣相望己未海河之役密授
將領使之投降賊庭以為不測之圖辛酉宣川之變致令腹心邊臣不
與之戰引兵入來謀縛都督毛文龍以與之其謀慘矣且宗室大臣艾
夷屏逐嬖姬外戚內外締結政以賄成獄以貨鬻宮門如市虐焰薰天
因妖言穿昭敬王墓幾徹黃壤畜妖人妖僧惟其言是從荼毒生靈貪
淫樂秋之狀難可殫數國之危亡迫在朝夕而幸賴祖先之默佑大
小臣民咸思奮義乃於本年三月十三日共推綾陽君諱靖內亂而反
之正諱即昭敬王嬪金氏出故定遠君諱嫡長子也聰明孝仁有非常
之度仁聞夙著民望攸歸大小臣民等稽古援禮稟知於妾請正位号

協贊謀議卒能誅戮奸凶以伸其志又以言功為恥即反正之日走歸鄉里若初無所與者而勲錄遂不及焉

足齋集

○本朝所謂功者雖不敢議而慙德多矣惟平難靖社能克矣其所謂慙德又帶得大罪如趙英珪之邀擊圃隱以觸太祖之驚怒中廟朝諸人資迫君父使不保琴瑟之樂而卒致己卯斬伐之禍得免於斧鉞之誅幸矣推類以盡其餘則凡此類之嫡長世受麻蔭亦過矣

尤菴集

○癸亥先生貽書諸元勲極言恢公道之術仍戒諸公亦宜清慎自礪毋踵靖國三大將之失諸公歎服遂以聞于上上亟稱善

沙溪行狀

○副學鄭經世於筵中誦功懋賞德懋官之言修撰趙誠立亦曰勲臣自勲臣士類自士類公聞之請退去上曰范蠡之扁舟句踐之過也張良之赤松漢高之失也此豈勲臣辭退之時乎即日命招誠立

令詣公茅謝失言

延平行狀

○光海時戊午大比退行於己未講經會試而拘於妖說不即殿試辛酉親行籍田別試取人而亦拘於妖說不許唱榜癸亥反正上下教曰戊申以後及茅或削或罷上在閭閻時洞知爾瞻等欲樹私黨前期潛出試題使之借述不解文者皆登第式年則拈受某篇使之誦習而出諸誦席有七大文通從自願之言故有此教此兩榜及丙辰謁聖乙卯式年為最甚故當罷榜而其餘他榜亦多削名者禮曹判書李廷龜托以事重請同三司會議屢退日期蓋金瑬子慶徵素不能文濫中於親耕榜為其地故也李完平入侍朝講言既取之茅或削或罷前所未有不可輕行其中分明用私竊取者則奏而不用可也上從之完平望重朝野為上所倚信時人為慶徵托以公論遊說完平屢退日期待完平入侍經筵而完平為所欺也金諫爭之不能得

荷潭錄

李完平厚源為光牧時往訪慎天翊則庭除蕪沒蒲薦穿弊問不仕之

意則拍掌大笑曰我寧有意思而不仕也只是病而已又拍掌大笑旁
若無人久後歷叙而云反正初以金諫往謁昇平則昇平首及罷榜論
啓之當傳蓋昇平之子亦其榜中人也其微意蓋曰以一代元勲而私
意已如此時事可知云矣

元菴集

○浦渚曰反正後人物完平揪灘為上玄翁狹小守夢庸常余對曰完平偏論已
甚始與朴滢元洪汝諄同事終請李潑白惟讓亦伸寃似非公正之人也浦浦曰李
迺平貴亦嘗言完平偏論之甚而我則見其為國盡誠非他人所及也

魯西日記

○掌令姜鶴年疏言世有伯夷則亦有易暴之譏云々崔暹川上劄曰
姜鶴年是臣舊交而不見久矣聞其讀書修行不以俗士自處故首擬
金罔不意其識見平僻羞辱朝廷一至於此也古昔帝王撥亂反正而
名正言順光明輝燁未有如 殿下者也使世有伯夷其將不辭光海
之粟而辭 殿下之粟乎靖國之初燕山三子幼弱無知而大臣並請

賜死蓋鼎革之際事異常經自有不得不爾者士論之嚴莫過於已卯而末聞以此歸咎於中廟而不仕其朝者也况齊桎之穿穴逃命意寔叵測有非顛等童駭之比則殿下雖欲曲全私恩有不可得至於已齊之君十年無恙此乃未有之盛德而鶴年之言若此何也然鶴年亦嘗食殿下之祿矣寧有他意於其間不過徒助虛名寔無見得安欲自擬於草野倨傲之言而不自覺其陷於負君之罪可勝惜哉

遲川集

○李适叅判陸之後以武舉選而能文善書有名称癸亥春以北兵使未及赴任金瑬李貴等將舉事以适多才智以密謀告适慷慨從之反正之日部分規畫皆出於适及論功等第以适新預抑之為二等适大不平公論亦以朴元宗等靖國時柳子光亦非預謀者而臨時用其策故擢為一等适事同子光而策功反詘頗究之是夏朝廷以陝西虜患可憂出适為平安兵使兼副元帥适大怒遂畜異謀适素稱善兵精卒

數萬及降倭劒士悉隸之時元勲等初立殊勲過慮人心不服廣為機
察盛開告密之門文晦李祐等告竒自獻玄謂李迨及其子梅韓明璉
等謀反上招大臣及元勲訖之金瑩以為迨不反李貴崔鳴吉等以
為必反爭於上前李貴怒曰金瑩必與同謀故誦其寃上命只拿
其子梅及自獻等是甲子正月十七日也李貴曰使迨無是謀則已不
然其父將兵在外而只逮其子彼豈肯倪首聽命乎不如並逮父子有
寃則俾還任詎有何不可諸公不從金吾郎及宣傳官至迨營迨故遲
開鑰與其屬李守白竒益獻崔德雯李挺培辟左右謀曰我只有子將
伏斧鑕豈有子拿而父全之理事已急矣男兒不死則已等死安能倪
首就戮乎益獻等合口同辭曰如欲弑事莫若殺未使威資軍中使無
異訖迨招諸將語之如其言手提一劒目視諸將曰敢違者死左右股
慄無一人抗節罵賊以折山計者於是布陣城內開門入都事未

及八庭令軍校斬之一軍震怖即下令軍中期以二十二日彗兵傳令
近營守令曰有急時軍務面議事同晝夜馳進云乃二十一日亥時也
時元師張睨在平壤中軍南以興票下軍官南斗傷適以私往寧過適
知之作一書付斗傷使之故放斗傷翌日到平壤具道其叛狀又傳其
書於南以興云云不發封納於帥府用見則書中列書南以興柳孝傑
朴震英之字其辭曰 聖明在上群山滿朝清君側之惡烏可已乎云
云帥府即以上聞並上其書蓋此數將皆逆之取忌故欲行間於帥府
云二十三日報至朝廷震駭昇平大惧請亟誅被逮人竒自獻柳公亮
尹守謙李時言玄謂等以絕相應因起之患 上從之逆平力爭被逮
之人多是位高宰臣如無盡與逆同叛之理國事雖危急何可不顧獄
體且殺一不辜王者不為今不同而斬之恐有後悔至於自獻立節於
大論而被竄者何可不為辨白而並戮之 上詢于大臣昇平又入對

更請自猷等四十餘人皆被殺迄平曰自猷立節昏朝今被混戮願以

寢生倉卒人情疑惧故事出於不得已非以爾預於凶謀論自猷使知

朝廷意而死朝廷不能從公又曰大臣不可以疑似遽加刀鉅遂縊死

之荷潭錄曰奇相自猷稱奇氏為箕子之後未如何據余祖母奇氏貞武公處之玄孫余與奇相為八寸親貞武公即奇頭之後余嘗與奇

相語同其世系奇嘔曰奇壽全以上矣其世未知為其人後觀其色著以顯為先祖故也箕子雖聖人數千年之後惘昧無所據而稱為先

顯雖有醜行世代可考而諱其為後其處心以李守一為平安兵使邊如此陷於甲子之秋亦必有以自取之者矣

滄為黃海兵使李時發為副體察使往禦之韓明璉在龜城亦殺都事

先帶三十餘騎赴迺而以中軍金孝信別將康綽領其軍一千二百名

隨後而發迺脅道內將官從順川路長驅而來蓋為張晚為都元帥在

平壤迺不欲與交兵故也至順川李胤緒李玠等五六將各率所部兵

三千餘人奔詣張晚迺大惧自是不敢入宿官府一夜累易其處恐軍

中殺之也張晚問於安州牧使鄭忠信曰今賊詐將安出忠信曰有上

中下三策曰何謂三策曰使賊乘新起之銳直渡漢江進逼乘輿安危未可知此上策也跨據兩西結毛將為聲勢朝廷亦未易制此中策也從間達疾趨京都坐守空城無能為耳此下策也曰以君計之當出何策忠信曰適銳而無謀必出下策適聞忠信從元帥憮然有憚色歷數諸將能否皆易之至忠信曰此未可輕也元帥出兵或言是日直星七殺兵家忌之忠信曰焉有聞父母之病而擇日以行者且師直為壯奚拘於術家衆乃服於是元帥以忠信為先鋒大將南以興為繼援大將行追賊遇于黃州之薪橋戰不利適至遂安知官軍守塞垣轉向俱隣路張睨收整敗軍隨其後至平山李守一李時發以所部同行南兵使申景瑗亦至李適至渚灘防禦使李重老李德符章豐川府使朴榮臣等守渚灘適進擊大破之斬重老等李貴領諸將守臨津臨風而走還京城力請出避二月初九日也 上倉卒南狩至漢江舟在中流呼不

應武人禹尚中素多力能水即游至江中擊仆舡人得五六艘乃得利涉晚等到坡州聞上南幸而午後賊兵三十餘騎先到京城呼曰城中人勿為驚動新王即位云云初十日适與明璉連輿入城适旁遽與李忠吉李時言子煜等帶募兵數千餘人至沙羅峴北迎賊為先導又有各寺吏胥隸臺具冠服出迎者坊民治道路鋪黃土而迎之适入京城屯慶福宮時王子興安君璉不扈從而逝俟适入城投之李興立以京畿防禦使送款降适推璉僭号李忠吉為大將以衛之元帥會諸將計事言多異同忠信大言曰既不能戮力破賊犯京都君父播越吾屬罪當死毋論勝敗一戰烏可已且先據北山者勝今據鞍嶺而陣俯壓都城賊不得不戰即仰攻我乘高得便破之矣元帥從之忠信先行諸軍繼之元帥令徐驅視便忠信反呼于衆曰元帥有令從進兵揚鞭疾馳以進京畿巡察使李曙與元帥書曰賊已據都城未易擊

公在西我在東絕其饗道賊必窘待南軍至協討事必萬全諸公以為然李時白曰不然賊在城一日聚衆益多何益於持久耳及其未定乘銳疾擊元帥曰然矣今當傳令於忠信耳何指授我知忠信曰為人必已登鞍嶺矣俄報前軍已到鞍嶺元帥驚曰勇哉忠信：：先令輕騎數十潛行上嶺獲烽卒戾火如他日昏暮諸軍以次至遂布陣別遣精卒數百伏裳岩以防欽義門朝日賊覓之或說迺曰精銳皆屬忠信元帥以孤軍在碧蹄一鼓可禽即元帥敗前軍走矣迺見前軍少曰滅之易耳毋多言曰今日破此後食即開門出兵分兩路包山而上明璉為前鋒直薄前營時東風急賊乘風疾攻矢丸如雨我軍既處山頂皆殊死戰風忽轉西北風大起賊在下風塵沙撲面官軍氣益奮大戰自卯至巳賊將李壤中丸死明璉中箭却會迺易次旗動南以興望見大呼曰李迺敗矣於是賊兵大奔自相蹂躪墜澗谷死者不可勝數或散走

西江麻浦官軍乘勝追擊叫噪踴躍無不一以當十賊遂大敗即甲子二月
十一日也時都民屯聚登西城觀望勝敗遂開敦義門西小門以拒賊
迨走八南大門忠信欲追之請與李時白追捕時白曰賊不日當就擒
我其敢奪人之功乎忠信歎曰人所不及也以興曰今日之捷天也不
數日兩賊之頭當至何止窮追城中多阨巷使賊設伏肱有得失奈何
忠信曰疾雷不及掩耳迨明璉已破膽矣奚暇為謀疾追不及廣通橋
就禽耳以興力止之遂遣朴震英伏東郊以邀賊賊昏夜潛兵出水口
門南走忠信平柳孝傑等追及於慶安驛賊望風而潰明日迨麾下奇
益猷李守白等斬迨明璉走猷行朝璉渡江以走韓縞安士誠等執璉
猷于張睨、囚之以待朝令南道都元帥沈器遠都監大將申景祺等
以為璉已僭号人得以誅不聞于朝殺之於軍中事聞下器遠景祺于
禁府數日赦之興立下獄自殺迨既誅張睨飭西來諸將俟 大駕還

京迎拜於江上而忠信獨還安州曰吾以西土將兵之臣不亟誅叛賊使乘輿蒙塵罪則不小何敢自若有功者迎駕於江上惟當還任以俟命上驛召引見賜金策勲超秩擢拜平安兵使

昆命集荷潭錄續雜錄洪鶴谷墓碑李迺

平行狀合錄

李迺舉兵叛直向京城上命公扈慈殿中宮東宮先往江華公啓

搢前曰臣雖無才畧願隨大駕或効策應捍衛之勞大司憲鄭晬曰

臣則有老母願隨兩殿先往江華李某則才局籌略不可離大駕上曰

慈殿之行不可無大臣重臣元子輔導亦重禮判當往江華矣

月沙集

上出城慈殿中宮元子初議分往江華行已發又定與大駕同往

公與右相申公欽追至楊花渡奉還

月沙集

甲子之變大駕先出慈殿繼發到南門外慈殿回駕命侍衛者

急向蚕頭江上路諸臣皆落後獨永安尉洪柱元陪行時迺兵自西來

朝夕八城事極危疑莫測其端 上到銅雀始聞其報驚惶不定亟命
諸宰李公廷龜申公翊聖往迎 慈駕蓋以李公為永安外祖申公為
駙馬也二公馳進蚕頭則 慈殿已入寓回舍惟永安侍坐二公伏前
力陳回 駕之意縷々不已 慈殿無動意申公不得已乃招出永安
於大廳大聲責曰今日國事板蕩 慈殿之至此出於意外今若不即
回駕令公當先伏刑其思所以自處永安年少滄泣因知所措蓋其辭
語盡徹於 慈殿所辨詰良久 慈殿始下令回駕追往是夕 上到
水原至於氣塞勲戚諸臣環侍救治及此報然後 上病少瘳當時事
可謂岌々矣若非申公能善處寢誠亦不可為也 南溪集

謹按賊兵在後 慈駕不動國家存亡在於呼吸而月沙以永安之
外翁反不能如東陽之責永安以為格天之計可謂至無能者矣當時
若無東陽則國事將至於何境乎論其功可列鄭錦南之上矣

○鄭忠信字可行光州人高麗名將鄭地之後也生地微幼屬節度當
正兵兼隸府知印嘗繇赴節度營舍於老妓々々以節度宴餘物饋之
忠信却不食曰大丈夫當身為節度使以已餘食人焉能啖人頷下物
乎其志氣之元如此壬辰牧使權慄分能以狀達行在者莫有應忠信
奮請行時年十七賊兵滿道忠信獨身拔劍達行朝李鰲城謂曰此兒
遠來無所投止其舍諸我曰授之史書忠信警悟絕人文義日進公愛
如父子秋登行朝武科上語鰲城曰卿嘗謂忠信才今出身矣其以
未見及見上獎之曰年尚少稍長可大用忠信為人短少目如曙星
美容姿有辨莫過好氣善料事多懸中討平李适策封錦南君昆命
嘗入虜中與諸酋言酋曰爾國每謂我賊何也荅曰爾曹有盜天下心非
賊而何諸酋大笑歸而語人曰是虜將為天下患何但我國憂也同上
嘗上書曰虜之丁卯受盟非吾能削其命特其意規犯皇朝譬如逐麋

之狗不狼顧耳彼既無畏苟不治兵秣馬震驚皇朝豈不帖伏遠左以送餘年此東國之憂也

同上

鄭錦南生地甚微而性亢於諸名流加以平敵之禮由是得驕名公常字彌而友之或謂鄭忠信之驕妄公輩之過也公笑曰忠信長處正在驕妄使忠信無此何足取耶

崔遲川遺事

丙子夏病甚上命醫救之月致食物醫言當用人參數斤重於續請上曰可療此人竭國力無惜况數斤人參乎及卒命中官護喪輓以御袍令有司禮葬

鄭將軍傳

丙子春訛言倭寇至忠信曰倭人召之不來國之大憂乃北虜耳及廷議送使告絕忠信方困卧聞之太息曰國之存亡決於今歲矣是歲十

病

二月虜果大入

同上

○公與豐川府使朴宗臣被執至賊陣适與明璉據胡床謂曰吾貸汝

命汝敢不從公與朴大聲曰吾不從汝其速殺兵多者叛逆勢弱者降賊臣子道耶汝以武夫受國厚恩副元帥府院君於汝不足耶何故叛也明璉厲聲曰汝身為俘虜敢爾唐突乎公又大聲曰明璉文化水軍位至巡邊於汝極矣敢負國乎我以世祿之臣忍拜逆豎乎賊斷右臂朴公瞋目大聲曰汝賊既負國恩又殺義士耶汝不甚怒而李守白奇益猷與明璉力請殺之至遇害而怒罵不絕口

浦渚集尹
廷俊墓碣

○李迢至猪灘李重老朴崇臣李德符等戰敗張玉城召諸將計事皆以為憂余曰迢額下有懸肉此乃狼跋其胡之相終也狼狽就戮玉城大喜曰迢之額肉武班輩常以為燕額虎頭封侯之相今聞公言果是狼胡進退也維谷以余言勉勵諸將送之諸將皆喜而去

荷潭錄

○李迢叛報至吳校理翻以焦易筮之得蹇之晉繇曰避山東走反入禍口制於爪牙骨為灰土其後迢兵敗由水口門出走到利川為其下

奇益猷李守白等所斬竟與焦薛習合奇哉

愚伏集

○沈光世以幕僚從李迨為迨所欺甚相得既歸李迨平問関西事沈曰迨言韓明璉有異志李曰吾聞迨有異志沈飛報於迨以病疏辭而盛誇其修整器械訓練士卒虜未可禦之狀而末曰身病如此恐不能終始盡瘁以報聖恩已露其不臣之心朝廷不覓可歎慨也及迨反光世在嶺南聞之恐朝廷論其飛報之罪疽發背道死可為不知人者之戒

荷潭錄

○金元亮深信迨父子迨見告以百口保之及迨叛書至自點以承旨啓囚之公裂衣咋指以血草疏畧曰臣無有知識認賊為忠敢保其無他遂成誣罔而臣之本心則證在天日矣蓋迨即臣異姓近屬也其平日立論處身一如士夫而其子梅自少出入臣家受小學家禮等書又尊師一時先生長者又自以年少未學不願仕祿臣以此許可不料其

詐為欺罔至於此極也當鄭燦之發告也臣以為燦乃廢朝勲戚之家臣則適乃與之同謀似不近似故終不致疑今以逆臣之族以致聖主之疑惑臣雖入地亦不瞑目然竟不得上大駕將南幸問於判義禁金瑩曰見告諸囚將盡誅乎金元亮何以處之瑩未及對自點遽曰不可留以遺賊以為用也遂遣所親斬於獄中其未死也李更生謂自點曰金某賢士也人將謂公何自點大言曰殺士之罪吾自當之沙溪嘗曰金某固有取死之道其心則何疑焉謂自點曰汝以某嘗求西倅為茅一疑端然某嘗求茂朱是亦可疑耶蓋公見人厭避西任慨然而嘗請為寧邊倅也

金元亮墓表

○甲子適變大駕南巡中外訖爾瞻餘黨多欲內應而權縉配在梁山結武士及降倭有叵測之形公先斬後聞計出於逆折姦萌而賊平之後以擅殺見罷

名臣錄聞
聖徽傳

癸亥反正權縉以光海幸臣竄梁山李适之憂統制使具仁皇右兵使
申景裕領兵赴難慮縉為適應密言于監司閔聖微使殺之聖微不敢
違遣清道郡守鄭慶業斬縉之臨死曰必非朝命我不合死而事已至
此無可奈何适既誅朝廷下聖微獄鞫其矯殺宰臣之罪功臣等皆力
救之上亦以事雖妄作心則為國只命削奪居數月咸鏡監司權盼
見適切臣等以為非才如聖微者難以鎮北方欲以代盼申相欽曰國
勢不固將來之無亂不可知北方是士大夫竄謫之地不幸有難而聖
微為監司擅殺士大夫如權縉則國不可為矣功臣之議遂阻

荷潭錄

縉登第急於進取附會李山海等取顯仕見洪汝諄勢重於山海遂附
于汝諄之敗又附柳永慶履歷清班不盡其欲則又與睦長欽相結
自補士類光海時壬子獄起以刑房承旨治獄迎合主意遂得罷於光
海數歲超拜兵判反正日大恐及禍請斬叅判朴鼎吉為諂附功臣之

計鼎吉雖罪當誅人皆疾縉之反覆無狀其見殺于聖徽亦自取之也

同上

○李迨亂後大事初定人心不固機警甚盛張昉與靖社功臣議使南以興若自為異謀者以探可疑之人朴弘耆兄子允章信之以其謀告以興使金仁沈逆民發之遂逮捕弘耆及允章兄成章鞠之允章成章就服遂誅之賜弘耆死

同上

廟堂通諭文畧曰光海嗣位悖亂無道其綱常罪惡固不容於覆載而荒淫之樂貨賄之集刑罰之淫土木之繁聚歛之暴惟日不足人倫既滅民生困極宗社危如累卵幸而我 殿下糾合義旅遂行誅討奉

慈殿於幽囚之中復正位号其助桀為虐之輩各以輕重論罪凡賢人君子為奸凶所斥逐者悉皆召還累政苛歛一皆停罷此我 殿下大有功於宗社者也奈何反正以來逆寇相繼前年七月逆賊柳湍等結約之書被告名在書中者幾四十人竒自獻其首也而其中柳夢寅逃

亡被捉擄掠不多一：自服其所為謀至供其所為詩言欲為廢王復
讎至於八月李德男告金德元朱大允等皆一：招服十月黃觀李有
林等設謀發覺窮問取服頗得其黨與鞫治又有凶擲遍投都監將官
家其言極凶今年正月文晦李佑探知逆謀以告竒自猷全有亨等已
就獄而李适韓明璉殺都事起兵叛盖尹仁發諸賊之腹心也自前年
五月乘夜訪文晦告以謀盖以文晦之父被誅意其必怨國故也文晦
佯許同謀資以財貨而陰告舉義諸人以其往復書札示其義人其間
有漏通者仁發覺其事泄詐為盜所殺有死人在利阜峴剥其面衣仁
發衣仁發馬鞍在其屍傍仁發妻痛哭取其屍歛葬行喪祥原進士崔
德文自賊中逃來都元帥陣中言尹敬立妾子僧人尹仁發常在賊适
寢房內元帥啓聞至始知仁發之死乃詐也仁發弟仁孫之招曰吾兄
詐死逃去李梅教之也鞍峴之戰斬一僧人頭曾在寧邊知仁發面目

者見之皆言是仁哉也告者及賊招云凶檄乃竒自猷柳夢寅所作也
迨賊既平之後凶徒宜少戢矣而秋間凶檄尤極凶悖逆者朴弘耆等
逆謀發覺是何凶謀之作相續不絕如此也蓋前後諸賊之招及凶檄
所言同然曰廢主當奉還是以廢主為無罪不當廢而廢也又曰今之
反正非正也所謂反正者大臣率百官聲曰主之罪而廢之擇而迎立乃
正也今則自將擊之而立此豈正乎又曰非先王親子非當立者也又
曰夜間擊之非正也又曰焚王宮非正也其所推戴者皆指仁城前後
諸賊之為言不過如是夫光海罪大惡極不可容於宇宙我 殿下應
天順人名正言順有大功於宗社若有人心孰不知之為此言者自痛
失勢乃謀作亂苟取富貴托此而為辭耳此說初出於凶人為亂之計
而或至轉相傳說故茲痛辨之夫 宣宗大王進藥飯而暴薨國內之
人誰不聞之此千古之極惡大罪當初氣義諸人識見未明過於忠厚

不恐暴此大惡 慈殿教中外書及奏聞天朝之辭皆諱此而不言使
討罪大義不明於天下為識者之恨也金尚宮經事 先王殺後宮經
侍帷幄者十有餘人廢 慈殿錮之別宮困辱百端將弑者數矣殺同
母兄及大君八歲兒此等罪惡皆國人所共知其可掩戾乎桀紂有此
乎昌邑有此乎燕山有此乎自古人君可以比此者惟煬帝為然而廢
母殺母煬帝所無其荒淫貪黷殘虐百姓則比於燕山時又百倍矣今
賊徒乃以光海為無罪雖欲欺人一世之人其可欺乎孟子曰聞誅一
夫紂矣未聞弑君也又曰諸侯危社稷則廢置况光海之罪惡非止於
紂也非獨危社稷也禮曰臣殺其君子殺其父凡在官者殺無赦王氏
註之曰惟父有此罪則子不得殺然則若弟之於兄姪之於叔臣之於
君皆當用此法也今此反正之亂所以討罪惡也所以正倫紀也所以
扶宗社也合於聖賢之法如青天白日無毫髮可疑凶逆之徒乃以光

海為無罪以反正為不正豈非可痛之甚乎其謂必大臣廢立乃為正
自將擊之非正者扭為無理當時大臣皆光海逢惡之佞臣撥亂反正
之亂其可望於此輩乎與其宗社覆亡曷若先王親孫起而正之以
迨宗社乎光海罪惡浮於桀紂楊廣雖異姓之人伐而代之夫孰曰不
可幸而撥亂之亂出於先王之孫此宗社之福也自湯武以來討
亂救世之君誰不自將乎至於乘夜擊之焚王宮為非之說尤為可笑
唐玄宗夜二鼓率衛士入宮未明而定我國三大將反正亦乘夜入闕
豈聞有以此非玄宗及三大將者乎宮殿之火炬火著於戶間曰而起
焚耳非焚之也雖使焚之以濟事此豈可非者乎漢兵誅王莽亦縱火
擊之賊徒此等之語雖兒童之見苟無私欲之蔽而平心觀之則豈有
聽信之理乎當光海悖亂之極國家之危亡迫在朝夕當是時王子王
孫非不多也皆莫能有匡復之志獨我殿下慨然發憤起而正之討

惡逆明人倫救民生安社稷天下之大義成萬世之大功承母妃之命嗣先王之位其名義之正何以加茲宋王成器之言曰時平則先嫡長世亂則先有功溫公以為此萬世不易之論也然則雖有嫡長當立者於殿下如是之大功則不敢干焉況諸王子皆非當立者也昔昭帝之崩廣陵王胥武帝子昭帝兄也霍光不用而立昌邑王賀者武帝孫也昌邑之廢霍光又不用廣陵王而立宣帝武帝曾孫也然天下萬世豈聞有以宣帝之立為不正者乎國人咸喜光海之廢而欲光海之復位者非亂賊之黨乎其欲推戴仁城不知又何據也蓋賊徒之意以仁城曾有人望以推戴仁城為名則人心從之夫仁城之不賢明矣光海在東宮時亦頗有善名虛訛之不可信如此仁城以河仁俊請弑慈殿之疏為草野公論而請從之以仁城為怵秋也則泛然隨衆請廢自足以免禍乃必欲弑之則其殘暴之性恐所不恐可知

也夫仁城不以慈殿為母也則是不以先王為父也以慈殿為

母也則子欲殺母非天下之大逆乎雖曰求免已禍而然殺人以自免
賢者猶不可忍况殺母以自免乎此仁城之大惡不可容於覆載者也
賊徒必欲擁立此大逆之人是誠何心哉文晦之告謂尹仁發夜半入
仁城宮私語賊招又謂山檄所踏之印在仁城宮又謂仁城徵服會哥
自猷又謂以千金與李時言募兵仁城之與謀明矣然則仁城者今之
臣子所必討也傳曰天之所廢誰能興之光海之自絕於天久矣賊徒
欲力勝天意其能成乎仁城之罪悖逆人理天所不與凶徒推戴之謀
相次發覺李迨素鍊之兵至入京城一戰覆敗天之不助亂人亦明
矣迨賊之後又有弘耆安知此後不更有陰謀如弘耆者乎如更有之
其誑誘之辭必更用前日賊徒之言其愚人暗於逆順為所誑惑相連
入刑禍則豈不可哀之甚乎今此所聞賊徒之說頗甚明白中外覽者

苟平心營之則必皆曉然於心矣中外大小人負其各知悉

浦渚集

○廢人之為儲嗣始既以不當得而得久而知先王之不已足也危

惧日甚陰懷忍心及

先王晚年益知畜生之不足付大事易且之意

已決亥人伺其隙而搆之當

先王宿疾初瘳萬民顙望而不諱之說

遽出於片刻則中外之人已不能無疑即有菜飯之說行於閭巷先

王之大漸也醫臣成浹承命入診入已無及而色侯與無寃錄遇毒條

無不合者浹出而語諸所親由是士類頗有聞之者稍々決去至有以

入其國門為恥者癸丑之獄爾瞻構成之者也所謂羊甲之檄亦爾瞻

等作也首以弑父為辭爾瞻於廢人凶逞之謀宜無不與知者則於此

豈不知而云乎當時宮人宦寺之被殺者臨死放言有及弑逞之事者

外間所聞雖不了々亦頗有云々者矣又聞有一被拷者欲有所言既已

發端而擊其口使不得言此與掩張衡之口而擊之者何以異哉前後

事狀大類揚廣而事證則比之尤較然矣

亮谷集擬
請復謚疏

宣廟素多疾昇遐時自東宮進菜飯厘舉數匙而疾遂革中外喧傳中毒而薨成斯文決以仗醫入侍玉體青黑異常出而謂人曰外議不虛也聞其語者如趙浦渚翼權晚晦得已皆終光海世不仕盖亦以此逮乎反正元原平斗杓李成陵澣將聯名上疏致討成陵之姪義吉製其疏今在集中然終不上未知其故余問於原平荅曰初頭新豐所製

王大妣下教外又有謔書下教据撫光海罪狀無微不至而獨無藥飯中毒語至是諸訖僉曰此大事也其時所聞雖如此今以謔教揆之恐難輕舉遂止焉然浦渚通諭文說此一段甚明未知何者為是也

南溪集

謹按弒逆是何等罪而反正之初直而不問何也藥飯之說固已喧傳中外又有成決之言則殆甚於燭下之疑而大妣下教中雖無藥飯中毒之語既謂之弒君則藥飯有無自是註脚而初不盤問又

何知藥飯之無事也嘗以宣廟末年甬瞻等不肯赴謫者而觀之則渠何知宣廟之非久陟方將有召命而偃然不赴逗遛近畿乎想必有陰訖凶逞之事故有此願望之意也况甬瞻所撰羊甲之檄已以弑君為言則是所謂春雉自鳴者也光海之與聞雖未可知甬瞻之行詐弑逞明若覩火而反正諸臣不知沐浴之義乃於肅清之日徑誅甬瞻終不能正其弑逞之罪可勝痛哉且使光海雖無與聞之跡藥飯既自東宮則張敖惡得無罪律以春秋終難免不啻藥之誅矣甬瞻雖死其時宮人必有存者嚴加究覈可得其情何可謂之難於輕私而終不復君父之讐也責之以反境不討恐無以自解也

○李仁居者樞之孫也光海時自京挈家寓於橫城力耕而自給為人戇愚不與人往來今上反正士論以為仁居知世亂隱居獎其賢超拜六品戢仁居亦以隱者自處見人推許自高其才世上無難事見靖社

勲臣當國所為不厭人心遂有不測意柳孝立希春之兄子也謫堤川
與大北餘孽之網漏者密謀復光海仁居相通往來丁卯冬仁居見監
司崔覲誣詆當國者之罪言辭甚悖覲以為狂慙憤時之言不以聞數
日仁居率十餘人詣橫城縣倡言起兵其意渠若發言則人必影從也
縣監李擢男棄縣而逃往原州牧使洪霽即令數十人馳往仁居
獨坐縣館其徒皆亡去霽縛送京師莅斬于市上訊于相臣申欽等
命錄霽功臺諫言仁居言辭悖乱而已無發兵之事洪霽無功可錄語
侵大臣欽大怒上疏辟戢以霽為忠勇無比上從欽言賜洪霽等勲
曰昭武孝立遣其子及黨入京締結宦官宮女約以戊辰正月四日夜
乘兵犯闕許遁與其謀遁許禍之從子也禍知之馳書于洪瑞鳳崔覲
以不發仁居之罪繫禁府羅卒密言于覲子山輝曰今日監司當出
獄山輝問其由羅卒以孝立謀言之山輝大驚急往言于沈命世洪瑞

鳳命世等以聞是四日夕也朝廷大駭領相申欽在備局聞之謂人曰
事急矣差之一刻則亂已作而不可及頃先捕後聞可也即招捕盜大
將分兵逮捕而金吾郎四出蓋賊黨或先入城匿跡或已渡漢江皆畏
持兵咒期日暮犯闕又發都監兵伏于三門外以俟許迺等載兵咒乘
夜入來皆被捉孝立及其從弟斗立就服而斬錄許禰等功賜勲券曰

寧社瑞鳳山輝皆與焉

荷潭錄李迺
平行狀合錄

○仁城君珙宣廟茅五子也廢母收訖時珙力贊廢論以媚光海反
正後收訖庭請之人輕重論罪上以珙至親特貸之時國事初定人
心危疑有李有林者謀廢事覺供稱將以珙為推戴上命勿問公諫
曰五倫之中君親居先人而不知有君親在法殺無赦珙之於太妃
義則君臣親則母子以臣子而請弑君母為倫紀之罪人而今又為凶
賊之奇貨殿下曲為全貸非所以為宗社計也上下教曰李貴之

劄極駭豈知此人不知予心哉如或更呈如此之疏勿為捧入

延平
行狀

始迨獄之起上寢者及其黨與引服者皆以珙為言公以為珙之與賊通謀雖未能明知而危疑之際屢出賊口乃上劄曰珙既負廢母之罪不可以至親而貸之且以頃日獄招言之托以科業居接隣家與仁城昏夜相從云者尹仁發之取以言於文晦者也光海之尊宮於仁王山下是即仁城為王之兆云者鄭邦說之言於李祐也亂事之後擁立仁城茅二子云者韓沂之言於金光燭也設令珙不知豈可不思究機處寢之道乎不幸而寢出意外大必用甲兵小必用刀鉅豈所以存全之道乎答曰劄辭驚駭卿何以每出如此之言使予心不安乎

同上

朴弘耆諸子之供又引珙為推戴於是三司交章請罪大臣亦率二品以上會賓廳陳啓上皆不從仍下慰惻之教右相申欽欲退去公怒有言申相上劄辭退上下教曰大臣居百僚之上李貴乃於稠人公

會之中叱辱相臣無復忌憚此豈寡昧終始保全功臣之志乎

同上

先是李仁居之獄有金裕者供招發真主等語上恐累及王子特命

勿問及孝立之招又有珙密奉慈旨誘聚凶徒等語慈殿聞之大驚

下教鞠廳使之嚴鞠得情鞠廳白上焚其供公上劄曰珙曾為廢母收

訖自知得罪倫紀不容人世乃敢矯誣慈殿假托密旨以為嘯聚凶

徒之計其情不難知也取當窮問凶狀使國人洞知慈殿受誣之由

然後慈殿之心乃安矣今乃不問而焚之恐失為慈殿卞誣之道也

初上親公過慮朝臣亦多與公為異及是始服公先見

同上

癸亥反正後李聖求敏求附托西人黃床以西人附托南論其時仁城

君珙當殺云者諸功臣西人之意不當殺云者南人主之而愚伏一隊

草野公論深懲於光海我殺同氣之事以活仁城為清論黃床亦附愚

伏之意李珪有詩曰鯢鵬南去滄溟濶宛馬西來月窟空云々

晦隱集

○南以恭在 宣廟朝久處權要及癸丑之變以非罪被謫金瑬在銓
曹務為調停之論仍推轂以恭後輩多不悅以恭拜大憲玉堂論其不
合左相金瑬指少年名五六人為朋黨以老西少西之說白于上：震
怒貶逐朴炡俞百曾羅萬甲三學士于外吏判張維亦以救護萬甲特
除羅州牧使大臣政院三司爭之皆不聽崔暹川上劄曰南以恭雖曰
柳朴所親癸丑以後與主張廢論者仕為仇敵乃以指嘆李元翼為罪
名至於竄謫屢年壬戌冬間又有救護士類之功而且其為人閱事既
久計慮甚長竊有可取處向日之愆乃平日不能擇交之致不可深非
之也况當萬化更新滌瑕蕩垢之日無論彼此拔其尤者與之共謀國
事以示朝廷曠蕩之意者未必非收拾人心之一助故臣在銓曹時欲
擬清望而僚誼難之臣見金瑬為言此意求得一言之助而瑬之所答
似不甚快及瑬秉銓先發此言臣遂同席贊助始擬清望而為年少輩

所不容將有重論臣緩辭救解幾得停止會有激之者其論遂發大生
風波學士三人一時補外臣於其時捨以恭救三臣者非臣所見之變
於前者也三臣之論以恭者亦不無執言之端獨限其徒守一坊之論
而不能深達朝廷用人之大体也先輩年考既高閱歷已多故其論常
主於寬恕後輩血氣方強明節自勵故其說常主於清峻寬恕者或流
於清勝清峻者或有^流於過激二者所尚之相反自昔然矣臣幼少時竊
見一隊士友中黃慎鄭曄吳允謙諸人以攸學行誼為前輩所重全塗
洪端鳳金尚憲諸人以清名筆聞為後輩所推而論事之際緩急不同
譏評前輩之言蓋亦多矣而前輩處之怡然終不介意此所以全交之
道也歲月侵尋人事漸變昔之後輩反為今日之前輩而又將前日清
峻之論讓與一代年少而自居於受人譏評之地互掇之道正好一笑
何用相呶々為也是則前輩寬恕之道獨及於不能無瑕點之若干人

而不及於一時持清議之人也何以異於惡舟之傾而移左以就右者乎云々未幾三學士及張谿谷並蒙恩召

遲川集

○自今年春後金沅李貴兩家氣色不佳臣不欲往來兩間不到李貴之門者久矣夏間臣偶歷李時白之家李貴先到其處而其日適有政李貴投示一紙政目乃李景稷陳長之望也貴曰大罵景稷遂及銓相至以榻前陳達為言臣曰鳴吉之不欲往來於公家者恐有如許事也不幸今日又聞此言因辭出翌日移書時白使之力心景稷是臣儕輩中人平生心跡臣亦粗知景稷少有才名交遊士類居家事親頗有可觀而負才使氣此其病處癸丑獄成之後賊臣甬瞻得春秋袞姜之事將將欲證成齊論而未敢芥之於人也景稷與甬瞻素有連家之分一日往見於其家甬瞻邀入書室接話其婿朴自興自外而入見兩人對坐疑於密語兼挾私憾造言傳播景稷以此得謗甚多及廷請時景稷終

始不叅幾陷大禍人始知景稷本情而餘謗猶未盡消反正之後一時
儕類無不通顯而獨不及於景稷者亦以此也頃日諫長之擬既被李
貴嗔罵年少輩亦有間之竊議者矣蓋景稷既有可觀之行而書室私
語叅證未明廷請立異事迹有據不可以難明之過掩其有據之善前
軍之論儘有所見雖無酬酢齊論之事而足及權奸之門終未免瓜下
納履之嫌則後軍之不欲輕許清望亦出於公心不可以此而遽罪後軍
也

遲川

集

○辛未李方叔

名義吉

服既閑以其堂叔妻咀咒事忤狀復警衆謗方與

云

治谷
日錄

咸陵君家獄事新推官安猷徵下去輒為翻獄咸陵上未擊錚訴冤被
囚自 上見其原情傳曰李澥放送訖處趙啓遠等所犯俱極可駭拿

鞠之罪

同上

方叔家獄事。干等到王獄閉口而死。申淑女已放釋臺官啓請元告

等反坐云。

同上

咸陵方淑諸人方被囚禁府廷臣必欲用反坐之律原平兄弟

貽書于行遠兄弟其意欲使余上疏救解先生命代草疏辭蓋先生

潛治

欲上章以救之也。後見邸報為咸陵申救上疏者不獨金恭叔而李子

薰亦為之矣。

同上

頃年李澥守喪湖西時人士之往來湖西者多稱澥與其侄義吉居喪執禮無異古人。今夏間澥以一紙書及各人呈官文字投示於臣再三諦觀淑女悖惡之行不一而足。獨咀呪一事未甚分明。所可恠者無頭兒屍決非無端在家之物。而其謂以此咀呪於李效元之家仍致其死云者則事迹無可據求其舛狀之端只是積疑所舛澥之心雖深知其必然而無疑者而莫重之獄非可以臆決而處之舛狀之後獄不得其

情則將何以處其身乎以澣義吉之談經術知義理而慮不及此者何也私心甚以為疑絀而思之處此之道誠有未易言者蓋父母之誓人子之所不共天當初不為致疑則已既已致疑於殺其父而慮其獄之不成將為身累而掩置不芥則是愛身而忘其親也必非仁人孝子之所忍為也况淑女之悖行如此淑女之得罪於夫家如此淑女之致憾於舅兄如此而諸人之病多涉恠疾淑女之家又有可疑之物而一家族親與婢僕輩皆竊言淑女綢繆之狀曰某人之死乃淑女咀咒之致為李澣之道其可聽若不聞而已乎臣於是始有以知李澣之心也獄書上聞推官下去而事干之言反覆難信 聖上憐復誓之至情慮按獄之失當特致王獄三省推問明慎之意於斯至矣而獄情未得事干連斃捩以獄体更無可加而全官反坐之請乃是王法之常則為李澣者固已死無遺憾矣但念為父復誓人子至情春秋之義炳如日星雖使

李澣身刺刃於淑女猶當在訊之域中况具由狀告官推治其所處置亦甚從容疑人之殺其父而告官請案情理之所必至請案而事無其宗則無寧身受其咎澣之自處固當如此而朝家處置不可不原其情而訊其罪令若加以反坐之律則是開人子復讐之路也凡反坐之法蓋曰告者或出於爭財或出於報怨或出於希賞其情惡而其漸不可長故告者無宗則施以反坐而痛絕之非為父復讐如李澣者之謂也况李澣之致疑淑女專在於兇尸一款而兇尸之在其家淑女亦不得諱如云犬齧奚獨無頭若曰陰產須有看證雖非咀咒必有所深鉤廣引真狀可得罪淑女在此免淑女在此豈非此徵之肯綮而推官不敢究竟其事者特以按獄之体不合加刑於無事于之正犯故身比事既不究竟則何以知淑女之為寃而李澣之為誣乎指為疑獄而置之固可也認為斷案而罪其元告則澣必有辭

癸酉咸陵以復讐事又為上言訖于大臣啓以淑女決杖定配上答

曰大臣之意如此姑置之云

治谷
日記

夜震仁政殿八面窓戶均有破毀處命召大臣六卿三司長官各陳所見前右相金尚容以申淑女中外補究為言玉堂亦陳劄言及淑女事今日先放仁城三子權濤申淑女故咸陵輩因極將又擊錚云同上

咸陵既已擊錚被囚而禁府推諉久不坐起自上恠而問之始為開

坐咸陵得為原情判府內除刑推放送後訖處同上

李漸自鄉來今又擊錚云禁府回啓曰淑女既已分棟置之何如云

答曰咀呪又有掘得之事更為訖處可也同上

咸陵事禁府以訖大臣回啓領相之訖請依前領相吳允謙訖施行答曰依此訖施行其議蓋謂弑逆難明欲以不孝不煩已著之罪也同上淑女自縊死蓋其得釋而徵事又始推官亦有陳劄者恐被更囚故也

禁府請用得罪舅家之律自

上無芥落云矣

同上

咸陵君李澥遭父喪疑有咀咒目其堂弟之妻起獄數年未得端緒朝廷將遣官按問人皆規避莫肯當凡易數人卒歸公聞命即行昭其寃解訟于朝上命下公理移其獄於王府三省會鞫無驗竟不承而斃事遂已公被繫幾年始得釋壬申被選玉堂上教曰趙某猥忝錄勿擬望大臣以下刀爭上怒曰今日入對專為趙某地耶自此凡

擬三司春坊

上率越公用其次丙子始除兵部

趙啓元行狀

○上之初即位即下詔生父母屬躋訖定之命禮曹判書李廷龜副提學鄭經世等以為上以支孫緒祖統是與為人後無異但以孫緒祖非如以侄緒叔之比父母之稱不可改也於是追尊元宗稱大院君仁獻王后稱啓運宮稱考而不加皇字稱子而不加孝字其祭式依德興故事以

上身綾原君輔主其祀時金長生朴知械皆以佞臣被徵入京

而兩人所見又不同知誠以為既稱父母而以舅主祀於禮有違喪必
三年祭必自主朝廷指為迎合譁然攻之知誠遂奔官還鄉長生上疏
以為帝王緒統與凡庶不同雖古者以兄緒弟亦稱為祖稱主上稱
考於宣廟稱伯叔父於所生方為合禮上下教曰有祖而後有父有
父而後有身長生之論亦不得行矣崔鳴吉疏曰禮論以來老師宿儒
搜廣引而皆非今日的證獨禮紀葬以士祭以諸侯一章最為觀著臣
之從前所執只此數句話耳近見賓廳啓辭但就此一章拈出葬以士
一款以為爭執之地而至於祭以諸侯一款則全不理會是於聖人之
訓得其半而失其半也今日之禮經傳無可證史籍無可據請做光武
故事建別廟以從祭以諸侯之禮

李近平行狀崔
遲川行狀合錄

潛治朴公知械方主追崇廟儀學生許穆重加朴公伎罰近平李公貴
以聞仁廟震怒命四館罰許穆公不亟奉行上怒下之吏

趙珩
墓碑

公於經筵啓曰朴知識讀書林下行同古人而趙綱以蓼虫斥之近聞

四學攸生削知識仗籍云尤可駭也

上甚怒特命停舉

延平行狀

夫宗廟何為而設也為父祖曾高也凡所謂父所謂祖者皆主殿下

之身而言也則

殿下之宗廟為

殿下父祖曾高而設也以

殿下

之父而不得入

殿下之宗廟天下有是理也哉

亮公集

潛窩

李公命俊号

曰余所見則朴持平

潛議論

甚是然余所不知禮以余尋

常所見附會是事若得諂媚上意之名則雖死難雪其恥故不敢自是

也朴持平則以山林隱士自抱至公無私之心所言有何嫌也然朴持

平之疏一上則申右相諸人將欲以死力爭矣主上若聽許朴持平則

如申右相諸恬退之人皆必引去其右之者必皆好進之輩其弊固不

少也

治谷日錄

晝講時都承旨鄭經世曰頃者李義吉之疏其言極無理朴知識之疏

雖有廟享之意而猶不敢公然言之李義吉乃其一家人云而其言如此矣李廷龜曰松廟事廷訟已定而朴知誠李義吉等䟽相絀而李義吉之論又甚於朴大槩朴知誠亦讀書人非必有迎合諂佞之意而然似是獨學故其於說禮識未透見未到耳金長生以為人後者為之子雖以叔絀侄以兄絀舅當為父子云此則但以宗統為重而臣等之意倫序之不可闕亦重矣然金長生之意亦深遠蓋慮偏重於私親則或有後日加隆之邪說也到今見朴知誠等䟽謂臣等曰防微若不斬絕則必有如此邪論希思固寵者相絀而起不聽吾言今果如何云臣等之意豈可為後日防微而先為過中之禮也明時之人有言曰漢宣帝若隆一等而考昭帝則必將降一等而兄史皇孫其辨釋極分明矣朴知誠則以為祔考則必行斬衰則則祭祀之禮亦不可不致隆李義吉䟽則曰 殿下宗廟為 殿下高曾祖補而設也其言極為無理朴知誠不能博考禮意惟以所生之恩為重以為必當祔考

既補考則不可不行三年之喪云其考察甚不詳矣

月沙集

仁祖朝諸臣力爭追崇之不可 上曰諸臣何以並生親推恩乎自是

遂傳生親之追贈

晦隱集

癸亥私廟屬彌博考前例啓

鄭經世○漢宣帝悼考悼妃光武四親廟宋濮王稱親凡三事程子胡氏諸論私

親廟設禮啓辟

李廷龜○大意正統固不可棄天倫亦不可闕常稱考而不稱皇稱子而不稱孝別立支子以主祀典一依

德與故事且以程子為

論私親之祭時祝文屬彌疏

金長生○大意以春秋躋僖公及三

傳臣子一例之說及綱目漢宣帝尊取生為皇考下范氏程子之說為

考告祭前一日榻前啓辭

李廷龜○大意金長生初歿稱考或欲稱叔終乃動於程子論漢宣帝失禮之說有此別

論殊不知殿下為宣廟之子則定遠於殿下當為兄何得伯叔既不得以取生為父而於取後又無稱考之地則天倫國矣決不可

為弘文館八條疏

鄭經世○其重宗統系大意以禮官稱考而不稱皇稱子而不稱孝為是又以司馬公漢宣帝尊其父為

皇考不能尊其祖為皇祖呂公著無兩考之嫌二語為證又論全長生

稱為伯父之非又論宣帝稱悼考時先伐未有貶誤其後稱皇考然後

范鎮程子皆

甲子論補廟疏

斬臣從服暮之說及近思錄諸侯奉宗論

語集註衛輅稱祖諸說為擬當立私廟典禮啟辭李迂龜○大意下朴

言漢宣帝稱悼考時先仗未有貶訖至稱皇考立寢園不置後程子於論

為所生父母降服皆與鄭經世訖定與朝中親舊書全長生○大意謂

乃指結體之子或早卒或疾者而非如今日主上所以遺又諸侯棄

為非若如朴疏漢宣帝之稱昭亦十月晝講李迂龜○大意下朴及李

如衛輅而程朱之論亦為誤耶張維○大意與李迂龜初說大統固

大同時數異又與鄭經世典禮私議不可紊天倫亦不可闕當稱考不追

同為人後為祖後辨大意與進典禮問答劄尊之意一引經傳諸說明追

帝王追崇之非三引禮經明緒世之君不可追尊之義四以祖宗陸迂

之承明追尊之非五言為人後為祖後雖似有異其不可尊私親而干

祖統則同六以夫子無違之言明不可追尊之義八以天屬之親明廟可

緒祖之事及春秋罔僖之傳明稱廟不闕之義八以天屬之親明廟可

稱祖補而名不可乙丑與崔子謙書鄭經世○大意下朴疏定遠非小

以為父子之義崔鳴吉○大意主上當為啓運

立之丙寅論典禮劄宮三年喪又為喪主又達別廟

語崔鳴吉○大意主上當為啓運

大意與六條一引禮經為人後者為父母每條明壓於宗統之義四引父

在為母條明杖暮之非三引為君之父每條明壓於宗統之義四引父

在為母條明杖暮之非三引為君之父每條明壓於宗統之義四引父

喪父為王明不可主喪之義五引天子七義讀鄭愚伏議禮創張維○大

月而葬明厚葬之非六統論有所壓之義崔鳴吉○大意合附之日削去續原

不杖墓為非若專戊辰論典禮創傍題別建一廟以奉補祭依飲圖号

用尊歷則當杖墓而四時薦享勿與宗廟同日以示差別因崔鳴吉創論典禮創趙翼

加以美稱奏可則別製樂章則創命朝臣因崔鳴吉創論典禮創

意先下崔創之非因為族後降其父母者為其父母報降為其父母則為超結

祖後亦在其中又為族後降其父母者為其父母報降為其父母則為超結

已亦无從祖則可親祖則不可之理再創報及為君之人後者為父母

經傳之意已明雖以註疏言之亦不合被訛又以漢宣事亦啓運宮服

無補廟程子范氏女以大統為重故稱位之國有不得避意崔鳴吉○大

制儀父大為伯叔父乃程子起義之說當從歐陽公服可降而名不可設

之說我國人亦稱生父而降辛未薛副提學創茅三茅四

義南溪集章陵追朴知張維崔鳴趙翼

補彌考

伯叔

考考考考

服喪不杖

暮

三年

杖墓

三年

不杖

李廷龜

金長

朴知

張維

崔鳴

趙翼



廟享

綾原主祀

綾原主祀

補廟

別廟

別廟

綾原主祀

○謹按

仁祖反正之初君明臣直可謂盛矣以此為大禮猷議者前

前後反覆各盡其義未聞有承順導諛之誚則益見其賢矣大抵月沙

愚伏之意以正統固不可紊天倫亦不可闕為主故稱号從考服喪從

不杖暮廟享從綾原主祀是則然矣但不察其一稱為考則服不得

不為三年廟不得不為自主而其所裁定終歸於半上落下也沙溪之

意以春秋傳僖公父親閔公及范氏以小宗合大宗程子亂倫失祀之義

為主故稱号從伯父叔父服喪從不杖暮廟享從綾原主祀是則然矣

但不察其既無補考之地則所謂伯叔無所依附因致通考馬氏之

疑而其所裁定終歸於猶有未盡者也潛治之意以儀禮為君之

父母期及近思錄諸侯集宗論語不父其父稱其祖之義為主故稱

号服喪廟享皆從父子之常禮是則然矣但不察 仁 元宣三世雖

皆自為直沙既已入承於大統公私事体決不可混合為一之義而
其取裁定終歸於全失經禮之旨也谿谷之意以仁祖是為祖後非
為人後之義為主而然猶謂其壓於宗統故称号從考服喪從杖朞
廟享從別廟是則其病殆與愚伏月沙而無異矣遲川之意初出於
谿谷而又加一層故称号從考服喪從三年廟享從別廟是則其病
殆與潛治而無異矣浦渚之意以服喪為人後之意為主蓋亦近於
沙溪而獨以程子伯父叔父之論為難用歐陽公不沒父母之名
為是故称号從考服喪從不杖朞廟享從綾原主祀是則其病又與
月沙愚伏無異矣總而論之月沙之誤主於宗統潛治之見主於父
子蓋父子是親之仁也宗統是尊之行義也義之所在仁或有
不能自伸者如仅禮為人後之制春秋躋僖公之文其理則然誠以
父子親之仁因為三綱之首萬世不可易者而宗統尊之義宗

無父子君臣祖孫之道尤為莫重莫大之事矣茅宗統尊之義達而難明父子親之仁順而易見當時之禮亦與漢哀宗莫不同故論者莫不以父子為重論說輻輳胥入同俗誠課之域其勢又不得不然也恐當以其本名而稱之曰所生父自稱曰出繼子庶幾上無少紊正統之嫌而下無全缺天倫之誡云云

南溪集

丁卯元宗大王靈輦自揚州遷葬章陵路由京城朝訖以為私親之喪不可穿過都城欲由東門外作路而路狹山峻不便行喪訖欲發民治路崔鳴吉上劄爭之曰鑿山開路應費數萬役丁民怨心多且章陵雖未踐位乃君之父也避都城而從間道於理有違大臣亦覺其誤乃心訖者又以經過宗廟為嫌訖於入城後別從他路公又上劄爭之曰士大夫喪柩皆從大路未聞以宗廟為嫌獨於大院君之喪避大路取斜徑此何禮也且殿下親奉靈輦入城而殿下由大路靈輦由斜

徑 殿下之心豈得安乎廷臣不言情禮徒以降殺為務臣竊惑焉

上即命礼官更訂竟由大路而行

近平
行狀

崔有海之使寧遠也漂到登州

與戶部郎中采猷頻往來因問本國訂禮得失采為小說以贈之其言

曰余在東年與鮮使者甚驩細聞該國礼義數天下且審國王 昭敬

王之孫張義莫邦而厥考辟世不能如唐宗之尊父其茹痛固也 上

欲追孝下守經常擇執中宜信曠古之微也然以余揆之豈無義起之禮

天無二日人無二尊既為人後又隆所生則是二本也二本而不知嫌則如不

義何若無所後父子大倫天地定位不叙昭穆如非禮何持重大宗者

降於小宗以義掩恩也國君取支子八承大統則義重君臣不敢以私

恩躋大宗也若無愛國之恩而身懋鴻烈直紹祖統則尊父承祖乃所

以尊祖叙倫非徇私情倚也有海還朝見朝訂方竣匿不出久之私示

南陽君洪振道以示公、陳劄猷之劄八上以有海不即啓知特命罷

戢於是朝訥譁然以有海敢以朝家莫重之事私自問難於華人論以
削去仕版公上劄救之荅曰今觀宋戶部論禮之文可謂不謀而同此
事求之千古絕無其儔而或以追崇為言則怒目相對恣意排擊兩司
之論劾崔有海亦有深情予竊薄其為人也噫欲尊父母人子常情而
人皆憤怒慢語蜂起則是欲尊而反貽辱也天朝公論雖如此予不敢
覲然開口云々後又教曰今日之事無二本之嫌有昭穆未備之欠且
與古事不侔奏請于天朝以竢上國裁處政院封還上下教曰天朝
不許則予亦無憾於是兩司合啓爭之上曰既非為人後則追崇所
生其於礼義少無不可而九年論難一向不悟排擊異已有同私誓今
日國習可謂異哉尊父叙倫礼所當然稟命天朝義不可廢大臣平二
品以上會賓廳爭之上荅崔鳴吉之劄曰今之廷臣皆曰識礼而平
生讀書以仗自起者不知父母之不可無朋友在喪無論親疎皆徃一

哭而啓運宮之喪百官不為會哭彼昏塞好勝之徒終無改悟之理故

欲為奏聞天朝以定是非云云

同上

時兩司爭元宗入廟公以為封典既完廟謫既上名位定矣豈有受命天子而不入廟者乎反正十二年間民生之倒懸人心之難叛綱紀之掃地君父之被辱危亡之端固非一二而未見有一人進一言今此入廟非存亡所關而以力爭不避為人臣大節視若國家將亡者然未見其可也

俞杞平伯
曾謚狀

癸亥反正戊申以後貶謫之人皆放叙時余謫在寧海李叅判命俊沈叅判謫在盈德聞報即約會于境上為叙別而歸也李公曰天命重新萬物皆覩未知何者為今日大事也余曰定遠君追崇也李曰主上以旁支入承大統安可追崇私親余曰是大不然漢宣入繼昭帝而不追尊史皇孫者孝昭未嘗以史皇孫為子宣帝安敢以已之貴以其父

他人乎今則異於是定遠乃宣廟之子也太廟不可闕補位追尊定遠則父子相承而太廟位備固合於禮也李曰公言是也李以掌令先至京余以禮曹正郎繼至李來訪曰朝廷以追崇為逢迎耶訖斥之甚雖不敢出口吾輩所見則宗合於禮也未久余訪張維金元亮亦在坐曰^朴掌知誠言禮合追崇張力辨其不可余曰此論不出則固善今既出早晚必行而後已也張曰何為其然余曰茅覲之一日崔頌相鳴吉謂余曰聞張之言公以為追崇之訖必行然否余曰然崔殊以為不然金沙溪長生以知禮名上疏請主上補宣廟鄭愚伏經世時為副學上劄曰若補宣廟則以定遠為兄大不合於禮於是依宣廟朝德興君例尊定遠為大院君王弟綾原君奉其祀乙丑冬崔相謂余曰博考古禮經今不可不追崇公言是也丙寅春崔相及李相聖求並來訪余崔相言追崇合於禮李相言於禮則悖各執所見爭辨甚力不久啓運

宮昇遐 上命殯殯諸禮一依國喪大臣平卿宰與三司爭之不能得
崔相為副學以訟不同不預其論辟迺朝訟以崔為邪論自是不擬清
選金相湓力主其論卒未夏崔相上劄請追崇亨以別廟蓋猶畏憚時
訟不敢盡其說也 上下其訟頌相吳允謙左相金湓平卿宰與三司
爭之累日余以公事往吳相家吳相言及迺論余曰追崇之必合於禮
則吾所不能知漢唐以下帝王無不為者設令 上為之不過為覲過
知仁之舉也 上必欲為而朝廷固爭之則必示竄黜之威是欲使
上無知仁之過而反陷 上於大過失未知如何吳相曰聞公之言甚
豁然也頃之 上命迺金相而尹昉復為相士申夏崔相又上劄復申
前請大臣三司又迺爭之 上怒竄司諫權濤于邊大臣不敢復言遂
尊大院君為元宗享于別廟遣洪寶李安納等請合于天朝、禮部
官曰恠汝國今日始有此請也即從之甲戌秋崔相又上劄請附太廟

時金相復為相又與尹昉及三司迂爭之上怒又通金相竄至諫金

光炫李尚質尹鳴殷于北塞點大憲姜碩期大諫趙迂虎等于門外新

大諫俞伯曾素主追崇之說李聖求為大憲窺上意甚確乃度其所

見排僚說與大諫同辭請祔太廟遂從之

荷潭錄

余與崔鳴吉張維會于備局張攻崔追崇之說為邪論崔勃然作色曰

我之追崇之說出於誰乎公言追崇合禮勸我上劄我從公言而為之以

今思之公欲以我探試朝說而公乃反其說自附於朝說余笑謂張曰

此言如何張面赤曰我考禮未詳有此言今乃悟其非云：張之前

後異論亦如此

同上

尹昉為相人言尹公必不能崖異於追崇之說以失上意其後昉外

隨朝論陽為迂爭而內則陰主追崇李貴詆相臣不當迂爭昉怡然余

謂人曰吾今日始知尹相之量為大也羅萬甲曰此安得為量不過無

廉恥而然也余訪崔完城尹之孫垵時為猷納與崔訟之廷爭啓辭余笑謂崔曰公既主追崇則廷爭文字不可指揮也垵寢色而起同上

權丞旨濤心是追崇之論而恐為一時清議所詆士申廷爭故峻其啓辭至於竄謫李相聖求素斥追崇之論而恐忤上意甲戌祔廟巡度

其說而竟取大拜未知孰為得失同上

公啓於經筵曰殿下欲定大禮則須先召朴知誠引用所見明正之

人然後是非可定也當此之時如洪瑞鳳者豈可為銓長乎今之所謂士類者皆陷於無本之論不如盡黜此輩待訟禮定後還為收用亦未晚也又曰小臣若為吏判則如朴知誠者布列朝廷何難於定此禮十月拜吏判持平吳璉論公銓長之除出於自請有曰天官冢宰為任如何而人臣敢以私求人主敢以應求哉上下教曰李貴之自薦殆無虛月若因其自薦而應求則為相亦已久矣何待九年設或應求功存

社稷職居一品置諸天官固無不可也以自薦為非則何以到今始論以應求為非則兵判時何不糾正也公劄辭曰臣非不知朝廷上禮讓為重而言語煩雜之病得之天性爭是非於大臣則時肆詆罵不知大臣之為重爭是非於君父則極言竭論不知君父之為尊至於見大臣謀國之不臧則寧欲身當大臣之任見銓曹用人之不公則寧欲自居銓衡之地榻前自薦非止一再以此君上見輕同列笑侮臣非不知而狂症時忤欲禁不得臣之宗無好爵之心國人之所共知也然臣既宗有是言而除拜之命適出此時塹之致疑亦或然也執義金世濂等緒忤請罷之論上荅曰論人罪狀七原本情李貴之自薦非止一再故聽之者不以為疑言之者亦無干澤之心今爾又以其言為有心不亦異乎吳塹素清介而為人執拗謂公榻前之言宗有意於求之也雖不

悅公者亦以塹言為非

延平
行狀

○李貴字玉汝牛栗門人也辛酉拜平山府使引申平城為中軍與完
豐合謀舉事會有泄其謀者兩司請拿問光海疑不信只命罷職臺論
猶不止公將待命鳴吉聞謀泄惧甚終夜不能安枕馳入京見公：隱
几而卧令婢子梳頭言笑自若鳴吉之心始少安矣同上

嘗啓於上曰老臣之言終未免上厭天心下起風浪請許歸田聖

上倘不忌微勞賜以歌童美女娛樂餘年云：答曰歌童美女固國家
優待之道然告君之辭亦不當如是也同上

臣聞殿下以李貴所為恐有年少氣勝輩效之為教云臣願殿下
勿以此為慮也臣有三子皆不能效臣所為每當入侍輒戒臣多言况
他人乎人情莫不欲利於己也今臣以妄言之故連被罪罰人將為戒
之不暇况肯效之乎同上

上引見元勲於春輝堂而不令承旨史官入叅東宮伏於左兩大君伏

於右 上親執酌以勸如家人禮 上命勲臣各陳所依獨公所言縷

酒酣公進曰臣欲起舞惜無声乐 上曰雖無声乐亦何妨蓋 上

特為謾語以戲公而公不悟強欲起舞而醉未能也

同上

公疾轉篤朝日上窓作氣而起向日俯伏若拜跪者三傍人問曰令之拜跪無乃永訣天顏之意耶公頷之已而命盡 上為舉哀声徹外庭

下教曰李貴才德俱高而未及卜相追贈領議政以表悲悔之意公以

元勲久未入相人多稱屈及下此教聞者莫不流涕

同上

○金長生字希元號沙溪縉輝之子生於戊申初從宋龜峯學又師李

文成公戊寅薦授叅奉壬子有陞叙之命癸丑獄起先生之庶弟二人

見逮考死論以大逆先生當連坐會有大臣言事得已初光海親問應

犀曰金某亦與知否應犀對曰金某賢者某等有謀猶恐其聞知也及

鄭浹對亦如前以故獲免癸亥反正即以掌令召官至叅判庚午卒享

年八十四門人持服者數百人會葬者數千人贈吏判肅廟朝從享

文廟

沙溪謚狀

○鄭經世字景任号愚伏八歲讀小學未半文理自通學於西崖十六
選鄉解兩試二十中進士二十四登文科士辰募集村兵設伏斬捕中
賊矢墜崖母及第皆被害召募兵糧復誓討賊初鄭仁弘起鄉兵名
以義旅賊退猶擁以自衛殊有不戢之聞先生偶以所聞言諸李公貴
李公䟽論仁弘罪將先生語證之仁弘大嘆至是為憲長捏出不近之
謗以劾之癸亥以副學召官至吏判癸酉卒年七十一東宮別遣宮官
致祭仍省葬令曰鄭賓客平生嗜禮往母失礼配享道南書院

愚伏
行狀

○元原平嘗稱其師潛冶曰平生為學必以四子為主謂易如淫声美
色八其中則必當終身故只說乾坤兩卦而止謂禮亦非專治則不能
致精凡到疑文度節必因徐公思遠問於鄭寒岡而行之其一以四子

為主之意蓋可見也至於行義之純篤古所未聞癸亥初余為灵光倅
嘗歷謁焉所居之室既陋坐下只有一藁席當夜將寢脫衣直卧於
其上時吾行中寢具頗盛已入置一邊而目見長者所為終宵悚然不
敢解衣就寢潛冶勸令鋪設曰年少之人視我心傷云後聞潛冶當壬
辰乱後喪其母葬不能備禮故平生自貶如是

南溪集

○公諱義吉字方叔号亮谷生於萬曆丙申甲子用薦者拜 敬陵叅

奉以其上補庙疏異訖者羣起而攻之遂棄官歸卒年三十八

亮谷墓碣

公天資剛毅德量宏厚濟以精詣不窮之識聞言者願解覲德者心悅

由父兄師友以至宗黨無不思服初從潛冶學潛冶曰吾道有人矣

同上

家族衆盛而皆知愛敬信服雖嫂屬有仇怨者扣其私則曰某大賢
也終不出惡言所與交多一時豪俊之士不冒居人後及至見公不覺
為之折節歛服不敢少違朴錦洲每得公書必與手然後發函其敬

禮如此沒後無論識與不識私皆痛惜朋友為服晷大功者甚眾諸公

或欲處以心喪雖賤隸暴悍者語及必涕是皆近世未聞者也

同上

師友諸公畧有叙述而潛治則曰悟聖道於遺編殆近於聞而知之者叔

父咸陵公則曰其才可使為邦而百年無弊金沙川則曰百世之下必

有聞風而與起者朴南溪則曰仰其心事如青天白日云

建祠時
通文

先生之在世也不知何狀人摸畫先生之像而題其傍曰雖在千里之外如對方叔此必其親友之為之者而丙丁亂後人有得之於逆旅而歸之本家其知舊婢僕之逮事者見之莫不流涕云

同上

國家自宣廟朝士大夫黨比相傾殆五十年其所臧否與奪不啻如水火雖於鉅仗名賢一皆倒置而亂說識者病之亦莫有能正是非為一世定論者其禍至今未已惟故敬陵叅奉咸平李公不然蓋其天性明睿少已委已聖學讀書論世其為賢否立見非假之他術也初栗

谷先生李文成公珥牛溪先生成文簡公渾同德彙征間被異已者所慕後因大獄崎屹文簡公益甚至追論禘爵位林為之氣塞公王考成豐公時在新進奎閣中遂不免與訖則其交遊見聞又可知甬北公上學日侍成豐公側成豐公亟愛重之所言無不從公一日偕閱二先生遺文輒問曰孟子吾言誦其詩讀其書不知其人可乎今栗牛二先生書具在其言行出處動合前哲非可厚誣恐與祖父平昔之論不同成豐公心頗異之不為動公遂精白用陳其故久而不解成豐公後乃渙然悔悟一用公言播紳傳為美事自是宗族知舊亦無有異趨者先是潛冶朴先生知誠亦從其父兄時不協於二先生逮潛冶髫鬢自知力學士以二先生為師法恨不及其門君子謂二事固可相埒而公所就為尤難焉信矣蓋觀世之号慕二先生者非私則隨其攻之者亦然公乃以一介後生自得於遺文明理尊賢以作其是非正論使

天下後世深知天理人心之公終不為一時黨比之私所掩其功大矣

南溪集

○光海辛酉春虜兵陷遼東其夏都司山東人毛文龍領兵出來号召漢人之避兵我國者襲鎮江克之斬漢人之為賊守者來掠龍川朝廷遣正即李馨遠接伴其冬虜兵渡江襲文龍：：與馨遠脫身而跳虜兵至郭山逢漢人則無論老少輒殺之而還文龍乃收召漢人設柵于蛇浦通山東物貨糧餉人戶萬餘又設柵于檄島互相往來漢商輻輳于檄島人戶甚盛文龍遣兵渡江無寸功其將可達等多戰敗死而隱其敗每以捷聞剋減軍需交結權宦以功至拜都督丁卯毛兵出陸作亂攻陷碧潼驅掠子女財宝毛將又分漢人斬朝鮮人被俘逃歸者三四千人稱以賊級以捷奏聞龍骨城報捷軍官及避亂士女亦被毛兵殺死移咨毛營屬請禁斷不從清世生齒死亡畧盡已

已毛都督會袁經略崇煖于寧遠前洋經略以便誅之移咨我國
數其罪狀文龍既死袁經略遣副總徐敷奏張貳賈良來點島兵抄其
精壯而去則劉與祚耿仲明等從行以副總陳繼盛領沈世魁劉與
治守檄島先是遼東人刘海降于奴酋親幸用事丁卯講和時以差
胡往來我國戊辰夏海改名與祚卒其弟與基與治與良等焚其家
舍若燒死狀來降于文龍其人狡黠能文嗜利貪貨文龍信任之與祚
赴寧遠戰沒與治在島中與陳繼盛不協卒降胡作亂攻殺繼盛等拋
有島中世魁以女納與治而免朝廷遣總戎使李曙由陸路副元帥鄭
忠信忠清水使宋英望京畿水使柳應澗等由水路討與治、、領兵
往旅順口朝訖不一惟金瑩主戰餘寧皆主和故舟師持重不進八月
與治還檄島自言欽差遣差官李梅來親受勅領島而移咨送款故朝
廷命罷兵辛未劉與治劫島衆將投奴穴島衆不從與治大殺將官及

南商等將官沈世魁、張憲等，約勒島众斬吳治兄弟，益殲降胡八百餘人。島中復定，奴胡憤吳治之死，領二萬騎渡江，入清北諸郡。將欲入檄島，會搃兵黃龍，以舟師至島，擊敗奴兵。退歸。

荷潭錄攷事
撮要合錄

○臣等乘船五十日，始到覺華島，得達寧遠。海程之險，有難盡陳。自平州至登州，風便一日程，而至覺華，則殆將倍之。所謂殲島者，南北浦口相距絕遠，中間又無島嶼依泊之處。所經鉄山、崱等處，波濤險惡，連礁廉利。辛酉以後，陪臣柳澗、朴彛叙、鄭應斗、尹昌立等相繼淦沒，皆由於遇風漂蕩，誤入此路。今又冬至，使尹安國到此，覆敗水路之險，悉難形言。一自遑奴作梗，遠路斷絕，特蒙朝廷許開水路，以通朝聘。而前幸者登萊一路，經過去處島嶼相望，或遇颶風停泊，有所乃於上年。因督臣袁崇煥題請改易，使小邦貢船違安就險，捨通即遠，續有倍臣淦沒之禍。伏願聖明許令小邦貢船復由登州往來。

愚伏所擬請
復曰路奏文

○己未奴兒哈赤僭号後金國汗建元天命指中國為南朝黃衣辛酉陷瀋陽遼東自建州移瀋陽袁崇煥代熊廷弼鎮廣寧威震華夏丙寅奴酋侵関外袁崇煥盡沒其軍奴酋憤恚疽發背而死臨死命立世子貴榮介貴榮介讓於其弟弘他時曰汝智勇勝於我汝須代立弘他時略不辭讓而立庚午奴賊入寇帝京謂崇煥不能防禦終乃磔死人皆惜之以副將祖大壽代崇煥

丙子錄

○乙丑宣川地黍莖有董王春三字色紅如染朱張晚巡到関西採其黍以來見者皆異之而莫知其為祥灾也丁卯正月虜騎陷義州安州至平山殺掠不可勝記兩西鞠為茂草董字千里草也王春正月也其灾始驗丁丑南漢出城亦在正月而國勢日漸危急其灾益驗

荷潭錄

○竒益猷之斬李适明璉也明璉子潤脫身而逃匿於龜城地經年府使趙時俊始得聞而欲捕之潤知機而走亡入虜胡言我國亂被虜將

姜弘立朴蘭英等信之虜兵遂有東侵之謀丙寅春朝廷聞之遣弘立
妾子璫蘭英子璽等千虜中璫等畏劫不得達而還丁卯正月虜兵三
萬餘騎夜襲義州陷之府尹李莞判官崔夢亮等皆死遂長驅以進朝
廷遣張晚平金起宗鄭忠信申景瑗等禦之虜兵攻陷凌漢山城擄之
州牧使金縉郭山郡守朴由健殺宣川府使奇協縉惟健等乞降求生
一時剝髮賊納其妻妾常置帳中行軍則使惟健等各牽其妻妾之騎
惟健等責其妻妾之失節妻妾罵其夫不忠云講和後惟健等與妻妾
並為虜人所送來論罪六鎮充軍

荷潭錄續
雜錄全錄

朝廷送弘立叔父晉昌君姜綢及弘立妾子于陣前弘立詳知其宗黨
俱存反正後善類滿朝始生悔意虜兵進攻安州陷之兵使南以與牧
使金俊自焚死虜侯朴命龍价川郡守金尚毅永柔縣令宋晁南甌山
縣令張暉等皆死監司尹暄棄平壤而遁黃海兵使丁好恕聞尹暄弃

城亦奏黃州報至。朝廷震駭。以金起宗伐^代尹昉。申景瑗代南以兵。李璡代丁好恕。大駕出避江華。李元翼申欽韓浚謙等奉東宮下湖南。以鎮撫人心。虜兵至平山。會大雨。江漲不得渡。虜兵雖衆。勝而前。深入亦非本意。遣劉海等訖和。繼遣弘立等來。朝廷許之。三月初三日。命相臣尹昉吳允謙兵判李聖求叅判崔鳴吉與奴賊講盟。等壇于江都西門外。夜半會于壇上。刑白馬殺烏牛祭天。約誓。奴賊誓文曰。朝鮮國王與大金國二王子立誓。我兩國已講和。美。今後同心合意。朝鮮若與金國計仇。整理兵馬。新建城堡。存心不善。皇天降殃。若二王子因起不良之心。亦皇天降殃。若兩國二王同心同德。公道偕處。龍天保佑。獲福萬々。丁卯三月初三日立誓。我國誓文曰。朝鮮國以今丁卯年甲辰月庚午日與金國立誓。我兩國已講和好。今後兩國各遵約誓。各守封疆。若我國與金國計仇。違背和好。與兵侵伐。則皇天降殃。若金國因起不良之

心違背和好與兵侵伐則亦皇天降殃兩國君臣各守善心共享太平
皇天塵土嶽瀆神祇鑑听此誓又講私誓曰朝鮮大臣等若與金國計
仇有一毫不善之心如此血出白骨現天就死若金國大臣等無故因
起不良之心亦如此血出白骨現天就死二國大臣各行公道亮無欺
罔歡飲此酒樂食此肉皇天保佑獲福萬、既盟遣李弘望奉宗室原
昌君稱為王弟出質虜兵引還殺掠不可勝記莅斬尹暄竄丁好怒于
穩城金諫並請誅好怒而 上特原之盖念斬适使之忠也四月 大
駕還京陞江華為留守府東宮亦自湖南還虜主遣弘立朴蘭英吳信
男等及弘立所蓄胡漢之女還國未久弘立病死人疑其自盡_{同上}
賊兵深入腹内劫以和事愚弄恐喝無所不至無非弘立等為之謀主
而贊成凶計也且弘立既稱五道都元帥奉賊將之令出榜誘民其叛
逆之狀昭著無疑莫若先斬弘立等梟示藁街以折驕虜之氣也又曰

弘立乃降賊之叛臣而自上賜之坐而見之國家羞辱極矣又曰國

雖至此豈忍官其子以悅其心

松郊李公
蔡行狀

晉昌君姜綢以秩高宰臣受命使虜恒怯失措拜跪無節至於資糧芻
草欲為分定受賊賂遺有若應得馬前屈膝仰首听命其失身辱國之
狀不一而足請削去仕版

同上

丁卯北兵使尹瑋南兵使邊瀚領兵覲王至海西朝廷與虜議和瑋等
不敢戰與副元帥鄭忠信黃海兵使李楹等屯遂安地虜結和退故取
其路忠信等捨甲休兵虜大眾猝至不知和已定皆鳥竄而走瑋事甚
急不及走領麾下登樓為死戰計虜將言和定之由請相見而去

荷潭
錄

鄭錦南忠信當丁卯虜亂從體察張公西出余送之郊外班荆而語鄭
曰此虜令來意在賂和須得和即去耳余時意不謂然後竟如其言蓋

鄭習知虜情故也

谿谷
漫筆

上幸江都駕次通津聞胡差為講和且至方訖其進止不能決崔子謙
謂兵交使在其間不當遽示斥絕姑直接致聽其語而處之群訖大抵
皆然莫肯弇口子謙主其說竟接其人於鎮海樓中緹而刘海又至和
事遂成時虜兵屯平山去江都百餘里而行朝守備寡弱人情危懼雖
斥和者外為大言內宗幸和訖之成而畏浮訖莫敢明言獨子謙遇事
輒首弇無所顧避卒以是被彈去同上

刘海至固請進見許之海既進見上坐榻上不動海立不肯前怒色
勃々余時侍殿上不勝憤進啓曰刘海無禮上一起則國體虧損大

事去矣請斥海使出進說者甚众皆如余說海素黠便解其意即前就
坐後海自虜中脫身故正在皮島每言其時事稱我國得體云同上

和訖既定刘海請上親臨盟壇余力辨之海不能強竟以大臣莅盟
虜意本在和刘海居間亦以和事為已任故凡禮節同事爭之多見聽

原昌君之往也虜初以親舅為請朝訖難之海掌中書假字示之遂送

原昌

同上

丁卯五月刘海領數千兵與原昌君出來渡鴨綠江列置軍兵于一路
率家丁數百直到京城命宰臣迎接于門外海以自上不為親臨怒
詔之狀目不忍見留都累日群胡馳行上不得已接見設爵酒酣海
願與天顏相接適口上問弘立對曰胡人大盟也一適則平生不負
上曰然不可使弘立諭之海請與上扣背又問弘立對曰此亦一
誓也上從之

續雜錄

先是萬曆壬午癸未間有里謠曰亂國者東人亡國者西人只知東夷
西戎而患之近見時事則東人為北而亂國西人為國而辱國無乃是

耶

同上

天朝聞刘海本以遼人投虜助虐搆亂天下詔下列國設賞購捕獲刘

海者勿論中外人即除荊州刺史給銀萬兩胡毛諸將調探海出來且

密帖我國尋其去處

同上

○丁卯講和之後彼此信使往來不絕丙子春武宰李廓羅德憲以春信使往
瀋陽適當金汗弘他時僭稱皇帝國号大清却使廓等叅賀班廓亦抵死不從
差胡等歐粹廓等衣冠益破終不入馬將還以汗答書稱皇帝留置通遠堡胡人
處而來平安監司洪命耆以廓等初受金汗僭号之書請臬示境上三司俱設館
學亦陳疏是年春末龍骨大馬夫大兩將稱以 仁烈王后吊祭而來金國十王子
致書于主上蓋陳僭号之事欲使和好不絕且及廓等不叅賀班之非此乃探我國
之意欲為加兵也李潢朴簪主館伴之任陰知日後之有禍而只恐得罪於
時訖凡待虜之際一切以慢忽薄略為事兩將所帶蒙古之人即金國
所新服者欲使我國厚待以為誇張之地而朝廷不許特以從胡待之
以失其心且謂人臣不敢致書於國君十王子之書終不拆見曾在

仁穆大妃之喪、胡將之來吊也、許令殿上設祭、今則稱以殿宇偏側、別設空幄於禁川橋、使之致祭、及其行禮、風吹帳開、始覺見欺、輒有怒意、且於是日、都監炮手私習後園、皆會園下、而宿衛禁軍亦當相適、因虜使在闕、各持戎器、俱在幕後、帳開之際、虜使疑其藏兵、顛倒出去、其時洪翼漢上疏、請斬虜使、館學又上斬使之疏、胡將等密知其機、益生疑懼之心、破閑步出、散入回冢、奪馬而走、道路觀者莫不驚駭、回巷兒童爭相投石、京城為之震動、廟堂始為恒怯、介遣宰臣乞留、相續於道、胡將終不入、來自上、即下教八道、喻以斥和之意、西路賫去諭旨、為胡將所棄、終為執言之地、朝廷以廓等潛置汗書於中途、虜必不知、使宣傳官到灣上、移檄瀋陽、為通此意、斥和之疏、逐日皆至、大諫尹煌請焚江都行宮、專意攻戰、吏叅鄭蘊請進駐松都、叅議金德誠請進駐平壤、崔鳴吉請送和使、吳達濟尹集請斬鳴吉、後始送小譯以探虜意、金汗言

於小譯曰爾國若不於十一月二十五日前入送大臣王子更定和議
則我當大亂東搶云而答其書曰貴國多築山城我當從大路直向京
城其可以山城捍我乎貴國所恃者江都我若蹂躪八路其可以一小
島為國乎貴國持論者仗臣其可揮筆却之耶小譯還傳其言與書廟
堂欲送宰臣而斥和方峻久而後送朴簪已失金汗所約之期其時檄
島都督沈世旌以我國斥和之意傳報中朝監軍黃孫茂移咨朝廷曰
見貴國人心兇械決難當彼強寇勿絕羈縻之計云

丙子錄

公上劄曰既不決戰守之計又不為緩褐之謀一朝虜騎長駟不過體
臣入守江都帥臣退處正方生靈魚肉宗社播越到此地頭答將誰
任臣之愚意體臣帥臣皆當開府於平安道兵使亦宜入處於義州約
束諸將有進無退且移書瀋陽備陳君臣大義仍言秋信不送之由一以
探虜情形一以覲彼所答若別無他心仍用兄弟之禮則依胡氏所論

姑守前約、內修政事、以為後圖、務反石晉之轍、如其不然、則必固守龍
灣、背城一戰、決安危於邊上、雖或許非万全、猶愈於束手待亡、捨此不
蜀、一向媿姁、欲言進戰、不無疑懼之念、欲言羈靡、又恐謗訖之來、彼此
不及進退無據、江水將合、秋迫目前、所謂待汝論訖之時、我已渡江者、
不幸而近之矣、全瓘彈章重發、公又上劄曰、今日攻臣之論、出於畧干
年少之口、而舉國靡然、環立相視、終不敢明者、臣心事者、無一開口、則
相隨而入於和訖、科曰中故也、然於臣心、尚未覺今日和事之為非、蓋
石晉高祖之起兵也、素維翰勸令、稱子、稱臣於契丹、借兵以取中國、出
帝即位、景延廣建議去臣、稱孫、言於契丹曰、翁怒則來、孫有十萬橫磨
劍、以待之、素維翰累請遜辭以謝、出帝不聽、其後契丹之怒、囂然未已、
中國疲弊、不能自存、始乃遣使請復稱臣、契丹不許、及三年、契丹入寇、
而晉遂亡、素維翰之諫、近於智矣、而導主臣虜以基中國之難、景延廣

之言近於正矣而輕開虜釁以致覆之禍故朱子綱目削其官而兩又貶之且先攷胡氏之論曰即事而言近廣亡晉之罪無可贖者即情而論以晉父事契丹中外人心皆不能平故慨然欲一洒之而不思輕肯信好自生釁端一朝之忿亡其身以及其君如使近廣姑守前約內修政事則不出數年可以得志夫以胡氏學術之正尊中國攘夷狄乃其一生事業則追訟得失於數百年之後有何一分顧籍而乃以姑守前約等語反覆抑揚怒其心而罪其跡若是者何哉蓋以人臣謀國不存遠慮以致亡人之國則其事雖正而罪不可逃矣曾在宣廟朝天朝諸將倦於用兵始有講和之計令我國奏請天朝故成渾首陳可許之意宣祖大怒為渾門生者亦致疑於渾、以書注復自解曰主於是非則見理而不見物主於利害則見物而不見理然在朝廷則或有是非利害合而為一處朝廷利害之所在即是非之所在也又曰秦檜在前十

載之下孰不欲剗刃其腹是以言涉於和众共棄之雖然制事者必誓其時論人者當原其情不可律之以一切之法又曰朱子云既不枉尺而直尋又不膠柱而鼓瑟若使天下道理只有上一句而已則又安用更說下一句哉又曰與其講和而存無寧守義而亡此乃人臣守節之言宗社存亡異於匹夫之事又曰韓侂胄之伐金可謂伸大義於天下而先伐以幾危宗社罪之張南軒以復讐為事業而以金不可伐為言凡以此者宗社為重而相時度力為時中之議耳凡此數款語豈非今日廷臣之所當深思者乎夫倭賊蹂躪八方辱及兩陵其在我國誠百世必報之讎而成渾以一時仗宗因天將之一言散發奏請講和之端此豈忘讐負君而然哉蓋以當日事勢自有甚不得已若使邊守一切之論不思權宜之計則其秋必不至於兩陵遭寢而已故也事有名美而宗不然者大舜不告而娶如有以娶妻必告之語致詰於舜

者則舜也難於為對太王避狄去邠如有以國君死社稷之說致責於太王者則太王亦也難於為對然舜與太王終不拘於或者之言而自甘於廢倫亡國之歸蓋道有經權事有輕重時之所在義亦隨之今日之事以時勢言之則既無石晉兵力之強盛又無壬辰天兵之可恃以義理言之則初無稱子稱臣之辱又非祖宗難忘之誓如使朱胡兩賢及成渾諸臣復生於今日則其是非得失之所在不難定矣使奴達丁卯兄弟之盟而迫我以非禮則於義決不可從矣今既不然而因用隣國之禮則彼之僭号與否非我所當問何可以禮義責夷狄乎臣之為此羈縻之言者非敢不顧是非凌為利害之說以誤君父也一酌之以時勢裁之以義理證之以先伐之定論叅之以祖宗之迹跡如是則害於道理如是則合於事宜靡不爛熟思量信其心然嘗竊以為國力方竭虜兵尚強姑守丁卯之約以緩數年之秋得以其間發政施仁收拾民心

等城儲糧益固過脩歛兵不動以觀彼釁為我國計無出此者既已素
定於心又以屢言於人入陳於榻前出爭於大臣焦唇乾舌不自知止
凡若是者豈有它哉悶宗國之將危而不暇計一身之利害耳朝廷之
上苟有惻隱之心者宜若在所哀矜而乃反怒目相視攻擊如不及亦
獨何心哉小人情狀最難測度今之朝廷若有小人則必自好名中出
是將依何浮訐釣取虛言雍容談笑坐收大權何苦而獨執己見冒犯
眾怒孤立一世屢困而莫之悔世間寧有如許愚迷之小人乎噫南宋
之主和者秋故於國而利故於身今之主和者秋故於身而利故於國
執此以言則人之賢邪事之是非亦有不難知者矣

遲川
行狀

鳴吉入對請屏去承旨史官師進啓事蓋欲以所陳和事密詔而斷行
之也公乃草疏極論伯氏見之曰語太過矣公曰國將亡不當言遜疏
曰和詔之亡人國家覆人宗祊匪今斯令而未有如今日之甚者也天

朝乃父母也奴賊即父母之仇讐也為人臣子者其可與父母之仇讐約為兄弟而且父母於相忘之域怡然不以為恥乎而况壬辰之事秋毫皆帝力頃者虜勢張甚逼近京師震汚皇陵驚心痛骨慘不忍聞兵弱力微雖未能悉賊從征亦何忍更以和訖倡之於此時乎往日聖明赫然奮發批義斥絕布告中外轉奏天朝環東土數千里舉欣欣然相告曰吾其克被髮左衽矣不圖茲者獎敕綏降邪訖旋設忍以清國汗三字泐之於其口人心之憤當復如何又况承旨侍臣亦可屏去玄者噫嘻亦太甚矣謀國非附耳之言君臣無密語之義如其義也雖使千萬人叅聽亦何傷乎如非義也屋漏可愧雖秘何益噫古之主和訖者莫如秦檜而當時言語事跡不能逃於史筆之誅至今班班可考則以秦檜之大奸慝亦不敢斥去史官也明矣夫以秦檜之所不敢為者而鳴吉忍為之非獨殿下之罪人乃秦檜之罪人也今內而朝廷外而

民庶謫訖洎：如出一口皆欲食其肉而殿下深居九重何得以知之
乎洪處厚之啓吳達濟之疏宗出於公論而旋被口譴斥之以循私構
陷目之以黃口小兒至以申恟擬望之故特罷銓官李敏求以秩高諫
長矇矓引避逡停前啓上逢聖意下媚鳴吉臣取見鳴吉劄子則許多
張皇熒惑天聽一覽未既眼皆欲裂其曰國家大計關係安危者也非
年少輩所敢與知政故金閣浮訖所制等語隱然有資持金閣沮遏公
訖之詐吁亦巧且慘矣古之為不善者歷然欲掩令鳴吉之主和也攘
臂無忌遂取朱胡兩賢及我國多小名賢指為主和以資口案且以頃
日之斥絕指為聖上之過至以勿憚改為言繼之曰生靈塗炭宗社不
血食言辭變幻震搖聖心夫外挾強寇之勢以內劫其主是可忍耶且
金論雖發一邊送書未為不可云誰為殿下誣此詐者臣竊聞此亦鳴
吉之言何其不有朝廷不有金諫至於此極也 殿下非惟不能正其罪

乃反用其言合啓方張而國書已渡江嗚呼國家設金諫亦奚用哉將使人君事之獨斷於上不顧義理不恤金論惟邪訥焉是護佞臣焉是倚終至於喪邦而後已是嗚吉啓之也鄭太和當公訥方張之日傳會邪論曲為諂媚見弃於清訥而殿下特授風憲亞長是殿下導群臣以諂媚也噫今之國事一至於此是固群臣忘君負國之罪而果孰使之然哉嗚呼曾為堂之數百年宗社竟亡於嗚吉之一言乎臣真欲痛哭於大庭而不可得也噫兒童走卒莫不知嗚吉之罪惟殿下莫之知臣竊怪焉臣不敢知殿下其真莫之知耶其知之而姑未之罪耶其將有所待耶天其不祚我邦家耶殿下何不以嗚吉之言遍問於在庭之臣僚乎上自三公下至百執事如李敏求鄭太和之類其必絕無僅有矣夫豈嗚吉獨忠於殿下而滿庭臣僚率皆不忠於殿下乎惟彼敏求輩其心亦必知嗚吉之罪矣非惟敏求輩知之嗚吉亦自知矣

疏入不報

尹季土
集行狀

十二月初六日以浚義州越邊龍骨山峰燧連報二炬而元帥金自点
曰此是朴簪入去虜也來迎也不即馳啓賊兵渡江不顧城鎮直為上
來稱以講和來如飄風邊臣狀啓賊皆奪取故朝廷漠不知邊報十二
日午後元帥狀啓八來始知賊勢之急而亦不知飄倏之至此丙子
錄
十三日廟議將入江都以金慶徵為撫察使李敏求為副使起復沈器
遠為留都大將初右相李弘胄以慶徵而金瑬不為止之及承上教

反為稱亂

同上

十四日賊兵已到圻甸大駕蒼黃去邠午後出南大門將向江都胡
將馬夫大率數百鉄騎已到洪濟院而以一枝兵遮陽川江以截江都
之路上還入城御南門樓下教曰事急矣將奈何大臣諸宰慌忙回
措不知所對前鉄山府使池汝海時以驪府偏倖杖鉤前對曰賊犯境

不三日而已至其軍馬已疲渴若以炮兵要於沙峴鏖其先鋒則必不敢衝突而大駕可達江都矣願得五百精兵迎擊之任事諸臣皆曰虜兵众寡未可知不可以五百人晉試崔鳴吉進曰宗社存亡在於呼吸之頃事无可為者臣請以單騎馳往虜陣見賊將問曰十年和好會无釁隙而无端動兵潛師深入者何意欺虜若不復听臣而殺臣則臣當死馬蹄之下幸而接話則小住其鋒近京保障之地莫如南漢請上由水溝門疾馳入山城以觀其變且曰李景稷慷慨多氣節可以為副上許之輟兵禁軍二十人以從皆散走獨景稷及裨將一人從馬又使都監大將申景禎出陣于慕華館先使都監將官李興業領馬隊八十餘騎禦賊到昌陵越過盡沒鳴吉到沙峴遇賊兵遂住馬詰其渝盟動兵之端故為拖引說話以至日是於是上率世子及百官遂入南漢是日鳴吉與景稷還都城賁與虜問荅走人啓達於南漢翌日將

夕回批不來虜大怒 以為見欺將欲害鳴吉其中一人曰和事未成必殺

此人不可即進兵南漢鳴吉與景稷入城 上執手勞之

丙子錄明谷
真令錄

當去邠之時金慶徵之妻與母各乘屋轎婢子著氈帽卜駝五十幾盡

京圻夫馬與副使李敏求等先入江都元任大臣尹昉金尚容等奉廟

社嬪宮元孫兩淑儀及兩大君與夫人諸宮人駙馬公翁主隨行江都彈

丸之地素稱天塹人爭投八而洛人之令出於撫察使尋常百姓不得

渡也 嬪宮到甲串津頭無船亦不得渡留岸上而晝夜人皆凍餒嬪

宮乃於輜內疾聲大呼曰慶徵、汝豈忍為此乎留守張紳聞之言

於慶徵艱洛 嬪宮以下而其他士民之避亂者不知其幾千萬遍滿

津頭求濟而未得賊騎奄及一瞥之間蹴踏殆盡或被搶掠或投海水

慘不忍言

丙子
錄

入城之浚金瑬等密詔請 上乘曉潛入江都李植請注仁川浮海入

江都十五日曉

上出城大雪之後山坂水凍脚乘蹉跌

上下馬步

行累次顛仆

玉體不寧還入城中十六日賊兵大至圍城中外始不

得通遣刑判沈誨假銜大臣綾峯守稱王旁往結和好沈誨言我平生言忠信蠻貊不可欺謂馬胡曰我非大臣乃假銜也綾峯宗室非親王子也綾峯曰沈誨之言非也此宗大臣我宗王子也馬胡問於朴蘭英荅曰綾峯之言是也馬胡後知其見欺斬蘭英沈誨等還入城不得已使左相洪瑞鳳往言兩大君方在江都故未及送之云則馬胡曰東宮君不來不可為和瑞鳳等空還世子曰若事迫則臣當出往上為之泣下領左相及金蓋國李聖求崔鳴吉張維韓汝稷尹暉洪霸求請送東宮稱臣稱皇帝礼判金尚憲大言於備局曰吾手劔斬此建訖者誓不與共戴天日

同上

使蓋國李景稷特牛酒且於銀盞盛以果宗注勞則虜言軍中日擊

牛酒室貝山積何用此為汝國君臣入處石竇飢餓已久自可用之遂

不受

同上

術士言今日和戰俱吉体相信其言親坐北城上督戰而出銳手三百
餘人緣山麓而下谿谷回互虜騎處：蔽兵我軍相持不肯下体府令
裨將柳瑚斬其不進者我軍乃下山賊始策馬突入馬疾如飛直衝我
陣我軍散乱不得放砲彗矢瞬息之間皆為所躡死者幾二百人胡兵
死者只二人体相自戰自敗無所歸咎托言北城將元斗杓不為相救
將致極罪左相洪瑞鳳曰首將失律故罪副將事未要當極其申救体
相不獲已伏闕待罪自此士氣沮喪更無出戰之意庙堂專以乞和為
心先是募僧四五名潛出往諭諸道至是一僧還入進忠清監司鄭世
規冒死進兵之啓仍言監司聞城中危迫之狀為之泣下且問御供之
物

時城中家鷄亦盡

故御供絕無蕪味

因取生雉三首囑以百計進獻之意到忠清兵使

李義培陣則方煮雉爛酒而飲曰城中之急不同可知而吾亦無如之

何矣漠然無進兵之意矣有白於上曰今日殿下之臣只有鄭世

規一人而已趙廷虎亦其次也此外元帥以下坐視君父之危急無意

觀王出城浚盡宜斬之不如無以立軍法云丙子錄亂雅三十日賊

自廣津麻浦猷陵三路行兵日出而始日沒而止風勢大作賊止風

亦止雖未知賊兵之多小而方有大雪而地上無一点白處其多可知

也大軍漫山蔽野而援兵不至行宮近處南鵲結巢人皆瞻望占以

為吉城中所恃者只此而已可想其時危迫之狀矣時城中百物俱窘

而絕乏者柴草也馬牛盡斃存者既甚相食其尾大駁寢具皆被掠

於來路義昌君進山羊皮衾矣雨雪極寒之日分衾皮賜守堞將士

上自是夜不解衣而寢御供只用家鷄一脚自數日前又命勿用上曰初八

城時曉聞鷄之鳴令其絕元被擄逃還者言賊陣中婦女無數陣外

兇尸極多蓋駭其母納諸陣中而矣其兇故也

同上

丁丑正月初一日廣州牧使許徽造米餅一咒進御分送數條於百官對此可潯金蓋國李景稷往胡陣胡言汧昨日出來方巡視山城此後之事非我等所知且言黔丹將為誰吾已破之矣忠清兵使及都元帥亦已破走矣午後自東城張西涼傘而大旗放大砲此女是汧也

同上

初二日洪瑞鳳金蓋國李景稷往胡陣胡人出置黃書于床上書以詔諭左相以下先行四拜然後奉書以來其書曰太清國寬溫仁聖皇帝詔諭朝鮮國王我兵先年東征允良哈時爾國起兵邀擊後又悞助明朝荼毒我國然我猶念隣好竟不介意及得遠地爾復招納吾民而獻之明朝朕赫斯怒丁卯年與師伐爾者以此曾亦恃強凌弱無故而與師者乎邇來何故反論爾過臣有不得已權詐羈縻今以正義斷決卿其曉諭列邑使忠義之士各效策略勇敢之人自願從征等語令朕親

統大兵來征爾何不令智謀者效策勇敢者從征而身當一戰哉朕旣
不恃強大而毫不相犯爾以弱小之國反擾我過境採蔘圍獵者何故
朕有逃民爾輒納而獻之明朝及明朝之孔耿二將來故朕兵至彼應
接爾兵放槍砲截戰者何故是弄兵之端又啓於爾國也朕之旁侄諸
王致書於爾何故云從來無通之例丁卯年未征之時爾遁島中而妄
使求成往來致書者非諸王其誰耶朕之旁侄何不如爾又外蕃諸王致
書於爾、竟拒而不納彼乃大元皇帝之後何不如爾大元時爾朝
鮮納貢不絕今何一朝自高如是也其不納來書者爾之昏暗驕傲至
此極也爾朝鮮與遼金元三朝年、奉貢世、稱臣自古以來曾有不
北面事人而得其自便者乎朕旣以旁待爾國爾愈作背逆自成仇敵
陷生民於塗炭拋城郭矣宮室致令妻子分難不能相顧僅以一身遁
入山城縱命迄今年有何益哉欲前丁卯之辱依目前安樂自招其秋

以致遺笑於後世似此之辱又將何以湔之乎既欲湔丁卯之辱為何縮頭不出甘效婦女之處閨圍也爾雖潛身此城意欲偷生朕豈肯縱爾乎朕之内外諸王及文武諸臣欲進朕以帝号爾聞之乃云是豈我國君臣所忍聞者何故夫帝号之定否不在爾也天佑之則匹夫可為天子天祐之則天子即為獨夫乃爾之出此言也亦甚肆妄矣且背盟修築城垣待使臣之禮頓衰又令去使見爾宰臣欲設計擒繫者何故父事明朝而謀害我者何故此特數其罪之大者耳其餘小嫌更難枚舉矣今朕提大兵而來以勅爾之八道試觀爾父事之明朝將何以救爾乎豈有子急倒懸父不之救者不然是陷其民於水火之中億兆之眾寧不飲恨於爾哉爾若有辭不妨明告崇德二年正月初二日

丙子錄

初三日洪瑞鳳等持荅書傳于虜陣其書曰朝鮮國王謹上書于大清國寬溫仁聖皇帝小邦獲戾大國自速兵殃棲身孤城危迫朝夕思欲

專使奉書導達忠悃而兵戈阻絕無路自通昨聞皇帝臨覽僻陋疑信
相半喜悞交至茲蒙大國不忘旧盟明賜誨責俾自知罪此正小邦心
事得伸之秋也何幸々々小邦自丁卯結好以來十餘年間情好之篤
禮節之恭不但大國所知竊是皇天所鑑而唯是昏謬之甚事多不察
如邊民採蔘及孔耿時事雖非小邦本情未免積成疑阻而蒙大國輒
加寬恕小邦固已久在洪度中矣至於上年春間之事小邦誠有不得
辭其罪者亦緣小邦臣民識見淺隘膠守名義終致使臣等怒往去而
跟行之人皆以大兵將至恐之小邦君臣不免過慮申飭邊臣而詞臣
撰文語多乖刺不覺觸犯大國之怒其敢曰事出群臣非我臣等知乎至
於擒繫使臣之語竊我臣等無之事豈料以大國明恕猶不能無疑於此
也皇明是我父子之國前後大國兵馬之八閩也小邦行未嘗以一鏃
相向無非以兄弟盟好為重也謀害之言奚為而至哉然此亦出於小

邦誠信未孚見疑大國而然也尚誰尤哉且馬將自言以好意而來故小邦信之不疑豈料終至於此乎夫往日之事小邦已知罪矣有罪而伐之知罪而怒之此大國所以体天心察萬物者也如蒙念丁卯誓天之約恤小邦生靈之命容小邦改過自新則小邦之洗心從事自今日始矣若大國不肯加恕必欲窮其兵力小邦理窮勢極以死自期而已敢陳肝膈恭竢指教

同上

御營提調李曙卒方在圍中失一大將宜謂不幸而將士無憾客至有謂李曙死恢復可冀者曙亦盡心國事之人而性悞不通下情故積

失人心至此之極

亂離日記

倉庫中見在糧米及皮雜穀只有一萬六千餘石此不過萬餘兵一月之食矣李曙曾為水禦使盡心謀畫多積軍糧而鹽醬絰地木綿兵咒及他所用雜物亦皆李曙之所備倉卒入城賴而為用者秋毫皆曙之

力也城中上下皆以曙為社稷臣平昔以察、短之者到今亦皆稱道

不已

丙子錄

御營別將金彥霖請於体相出城夜斫体相曰當與幾人出戰金曰欲
平去者一人也体相曰何其小也金曰吾意亦以一人為多云翌朝人
傳金某斬虜頭而來体相出坐受馘因為啓達上賞賜錦紬三疋体

相懸於軍門而覩其所馘之頭無一点血凍肉如雪人頗恠之俄有原
州將官一人集其頭抱諸恠中匍匐而哭曰亡兄、、何至再死耶盖
頃日体相督戰之日関東將官死於賊鋒者也覩者無不掩泣体相送

彥霖于元斗杓軍門斬之

同上

被擄逃還人傳南陽倅與其祖母俱不免賊鋒而其弟尹集諉以傳者

之誤美服飛揚人皆恠罵

亂離日記

西北賊陣處、各自燃火凡眼力所及之地不分高山平地溪澗村居

星羅碁布大光耿々其數之多有不可量矣

同上

十三日又遣洪瑞鳳崔鳴吉及尹暉往虜營龍馬兩胡受國書責以無故渝盟崔鳴吉推背叩頭曰此非聖上之意乃臣下之罪也欲刺刃出腸以明君父之不然云則約於數三日內待汗出令回報云矣其書曰屬者小邦宰臣奉書軍門有所稟請回称皇帝將有後命小邦君臣迄頸企踵日俟德音今已浹旬迄無皂白勢窮情迫未免再鳴惟皇帝垂鑒焉小邦前蒙大國之惠猥托兄弟昭告天地雖疆域有分而情意無間自以為子孫萬世無疆之福豈料盤血未乾齟齬中結坐蹈危迫之秋重為天下所笑哉然求厥所由皆緣天性柔弱被誤群臣昏迷不登致有今日自責而已更有何說但念兄之於弟見有罪過怒而責之固其宜也然責之太散反有乖於兄弟之義則豈不為上天之所恠乎小邦僻在海隅惟事詩書不習兵革以弱服強以小事大乃理之常豈敢

與大國相較者哉徒以世受皇明厚恩名分素定曾在壬辰之難小邦朝夕且亡神宗皇帝動天下之兵拯濟生靈於水火之中小邦之人至今銘鏤心骨寧獲罪於大國不忍負皇明此無它其樹恩厚而感人心深矣恩之加人非一途苟有能活生靈之命救其宗社之危者則芥兵而救難與回兵而面存其事雖殊其恩則一也上年小邦處事皆謬蒙大國勤教屢矣而猶不自悟以致大國之兵君臣父子久處孤城其窘亦甚矣誠於此時蒙大國翻然捨過許其自新俾得保守宗社長奉大國則小邦君臣將銘鏤感戴至于子孫永世不忘而天下聞之亦無不服大國之威信是大國一舉而結大恩於東土施廣言於四國也不然而惟快一朝之憤務窮兵力傷兄弟之恩困自新之路以絕諸國之望其在大國恐未為長策以皇帝之高明何不慮及於此乎秋殺而春生天地之道矜弱而恤亡霸王之業也今皇帝方以英武之略撫定諸

國而新建大号首揭寬溫仁聖四字蓋將以替天地之道而恢霸王之業則如小邦之願改前愆自托洪庀者宜若不在矣絕之中茲敢不避尊品更布區區以請命於下執事

丙子
錄付

十七日龍馬兩胡要我使洪瑞鳳等受答書而來其書略曰大清國寬溫仁聖皇帝詔諭朝鮮國王朕以丁卯盟誓為重曾以爾國敗盟之事累加申諭爾不畏上天不恤生靈之塗炭先背盟好與爾過臣之書為朕使臣英俄兒代等所得始察知爾國有搆兵之意朕輒對爾春秋二信使及衆商人云爾國如此無狀今將往征可故語爾王以下至於庶人蓋明諭而遣之非以詭譎與師者也且備書爾敗盟啓釁之事告於天然後舉兵朕若以爾負盟自畏天譴也爾察敗盟故降之灾殃爾何反似漠不相聞之人猶以天之一字強相附會哉書云小邦惟事詩書不習兵革曩者己未之歲爾無故侵我朕以為爾國必諳兵事今又啓

釁爾兵必更精鍊矣孰意猶以為未習也然爾國好兵者尙志猶未已
今而後更加操鍊可矣又云壬辰之亂神宗皇帝動天下之兵極濟於
水火之中天下大矣天下之國亦多矣救爾亂者止明朝一國天下諸
國之兵豈盡至耶明朝與國誕岳無忌今既困守山城命在朝夕猶不
知恥出此空言何益哉爾欲壞兄弟之好動干戈鍊兵造車預備軍器
惟思朕西征之日乘間竊芥欲荼毒我國耳豈有施惠於我國者哉朕
非不恢霸王之業無故與兵而滅爾國而害民也爾與兵之爾故正欲
伸理曲直耳且天地之道福善禍淫至公無私朕体天之道傾心歸命
者優養之望風請降者安全之送命者奉天討之黨惡撓鋒者誅之頑民
不順者俘之務令倔强者知警狡詐者詞窮今爾與朕為敵我故與兵
至此若爾國盡入版圖朕豈有不生養安全字之若赤子者哉且爾
所言與爾所行甚不相同內外前後往來文移為我兵所得者往々呼

我兵為奴賊此蓋爾之君臣素弼我兵為賊故啓口之間不覺至此也
但聞潛身竊取之謂賊我果為賊爾何不擒捕之而置之不問耶爾之
以口舌言言談所謂羊質虎皮者誠爾之謂也今爾欲生邪亟宜出城
啟命欲戰耶亦宜亟出一戰兩兵相接上天自有處分矣崔鳴吉曰若
為此難從之請則大國終得積屍空城而已亦無所利矣同上

崔鳴吉所製書曰朝鮮國王某拜上書于大清國寬溫仁聖皇帝伏承明
旨勤賜申諭其所以責之切者乃所以教之至秋霜凜烈之中帶得
春生之意伏讀惶感措身無地伏惟大國威德遠加諸藩令辟天人所
啟景命方新而小邦以十年兄弟之國顧多獲戾興運之初反求諸心
有噬臍靡及之悔今之所願只在改心易慮一洗旧習舉國承命得比
諸藩而已誠家曲全危急許以自新則文書札節自有應行儀式講以
行之其在今日至於出城之命竊出於仁覆之意然念重圍未解帝怒

方盛在此亦死出城亦死是以瞻望龍旗分死自決情可感矣古人有
在城上拜天子者禮不可廢而兵威亦可怕也然小邦情願既如所陳
則是辭窮也是知警也是傾心歸命也皇帝方以天地生物為心則小
邦豈不當獲預於全活優養之中伏願帝德如天必垂矜恕敢吐情竅
恭竢恩旨禮判金尚憲於備局見此書手自畫裂失拜痛哭徹大內
謂崔鳴吉曰先大夫頗有名於士友間台監何忍此等事耶崔鳴吉微
哂曰台監裂之吾輩當拾之遂乃收拾補綴兵判李聖求在傍盛怒而
言曰台監從前斥和使國事至於如此台監可往虜中矣金尚憲曰吾
欲死而不得自決若送虜陣得其死所則是台監之賜仍出寓舍逢人
必訣自是却食自期立死

同上

二十日李弘胄等往虜陣受汗答書以來其書曰大清國寬溫仁聖皇
帝詔諭朝鮮國王爾違天敗盟故朕赫斯怒統兵來征志在不赦今爾

困守孤城見朕手詔切責方知悔罪屢上書求免朕開宏宥許爾自
新者非力不能攻取勢不能環圍招之使來也此城攻固可得不然因
爾芻糧食兵秣馬令爾自窮困亦可得似此輩爾小城既不能取將何
以下幽燕哉命爾出城面朕者一則見爾誠心悅服二則樹恩於爾復
以主國旋師後示仁信於天下耳若以詐誘爾則朕方承天眷撫之四
方正欲赦爾前愆以為南朝標榜若以詭詐取爾天下之大能盡譎詐
取之乎是自絕來故之路矣斯固無愚智之所共識也爾若猶豫不出
則地方蹂躪芻糧罄盡生靈塗炭灾苦日增誠不容時刻緩者也爾首
謀敗盟之臣朕初意欲盡戮之而後已今爾果能出城故命可先縛送
首謀二三臣朕當梟示以警後人誤朕西征之大計陷爾生靈於水火
者非此人誰歟若不預送首謀於爾既故之後始行索取朕不為也爾
若不出縱諄祈請朕不聽矣上曰寧與尔和人同死豈可縛送

同上

二十一日右相以下傳國書而還夕時以受荅事再往胡陣而以出城及執送斥和臣不許之故賊發怒還送國書而不荅其書曰朝鮮國王臣姓諱謹上書于大清國寬溫仁聖皇帝陛下臣獲罪于天坐困孤城自分朝夕就亡細思往前罪戾無以自贖雖迫私情屢上書疏以自求新而竊不敢取必於赫怒之天茲奉恩旨盡釋前愆弛秋霜之嚴威布陽春之惠澤將使東方數千里生靈得脫於水火之中豈但一城性命而已君臣父子感激流涕不知所報前承出城之命竊多疑畏之端而適當天怒未收之日不敢盡陳所懷今蒙開示惻幅引諭丁寧其古人所謂推赤心置人腹中者也臣自承事大國以來十有餘年心服陛下信義久矣尋常言行無不相符况於絲綸之命如四時者乎臣不敢以此為慮也抑臣閔迫私情為陛下布之東方風俗迫隘禮節細苛見其君上動心稍異常度者則駭目相視以為恠事若不因俗以治終無以

立國自丁卯以後朝臣間果多異同之論而務為鎮定不敢遽為呵責者蓋慮此也至於今日蒲城百官士庶目覩事勢危迫敝命之訖同然一辭而獨於出城一款皆以為自麗朝以來所未有之事以死自決而不欲其出若大國督之不已則他日所得不過積屍空城而已今者城中之人皆知朝夕且死而所言尚如此況其他者乎自古亡國之禍不專在於敵兵雖使蒙陛下恩德復得立國而以今日人情觀之則亦不肯戴以為君此臣之所為大懼也陛下之所以許令歸命者蓋得以保全宗社而因一事亦不為國人所容終至滅亡則亦非陛下憐恤之本心也且陛下以雷霆之師深入千里之境未及兩月正其國而撫其民此天下之奇功而前代之所未有也豈亦待臣出城然後方可謂之克此城乎無損於陛下之威武而有困於小國之存亡者在此一著況大國於此城非不攻也非不克也且攻城所以討有罪也今既臣服

何用城為伏惟陛下睿智出天明照萬物其於小邦之真情案狀必有
洞燭無餘矣斥和諸臣事小邦例有臺諫諸官戢主諍論向日所為誠
為謬妄使小邦生靈塗炭至此者無非此輩之罪故上年秋間已摘其
浮論誤事者並加斥黜矣今承皇命曷敢違越但念此輩本情不過識
見偏暗不知天命所在意欲膠守故常而然也今陛下方以君臣大義
風動一世則若此輩似宜在乾恕中矣伏惟陛下大度如天既赦國君
之罪則此等蛾虱小臣直付之小邦政刑之中益見寬大之德故並陳
愚見以俟陛下裁知臣既蒙陛下霽威布信不覺誠心親附畢其所懷
縷：至此煩瀆之罪誠無所逃謹昧死以聞 上使崔鳴吉李植俱製
雖用鳴吉之文諂屈請降之意少無異同而植只以其文不用故自以
為高人皆不服同上

吏叅鄭蘊上疏略曰今若補臣則君臣之分定矣將惟其命是從彼若

命之出降則 殿下其將出降乎命之北去則 殿下其將北去乎易
衣行酒則 殿下其將易衣行酒乎到此地頭 殿下其何以處之乎
鳴吉之意以為一稱臣則城圍可解也君父可全也設或如是猶為婦
寺小人之忠也况萬々無此理乎自古及今天下國家安有長存而不
亡者乎與其屈膝而生曷若守正而死社稷乎况父子君臣背城一戰
則不無完城之理也我國之於中朝非如麗季之金元天無二日而鳴
吉欲二其日民無二主而鳴吉欲二其主是可忍也孰不可忍也臣身
疲力弱不能以手板擊之云々

同上

二十二日備局以洪翼漢為介和之首東宮下教曰吾既有子又有諸
弟吾何愛一身不為存宗社計也明日正欲出城可令整备夫馬且以此
意言于備局々々議世子不可出城宜送介和人鄭蘊上劄曰臣雖非
首請斬使焚書之人而終始主戰則臣宗有之亟命廟堂以臣應虜人

之求

同上

二十三日水原竹山等邑將官及訓練哨官數百餘人帶劔詣闕請出
給卮和人先詣体府体相頗有惧色不問曲直只言當盡從爾等之請
速為退去時申景禔洪振道往來於具宏申景禔陣中有所密議而景
禔方為訓練大將水原府使具仁垕方在具宏陣中竹山府使即具仁
基而其邑東伍亦屬於宏皆言此乱非軍卒之意云洪瑞鳳等持國書
往虜陣書曰朝鮮國王臣姓諱謹上書于大清國寬溫仁聖陛下臣罄
竭衷悃冒進一書誠意淺薄未蒙顧可慙惶悸恐若無所容仍念君臣
之名非可以苟立宗社之計不容於但已雖蒙嚴譴有不可避伏惟陛
下垂察為小邦以海外弱國與中土絕遠惟強且大者是臣是服麗朝
之於遼金元是也今陛下受天眷遇王開洪運而小邦壤地相接服事
已久固宜首先敎順為諸國倡而所以遲回至今者世事明朝名分素

定其不欲遽度臣節亦出於情禮之當然而惟是昏謬無狀事多妄作
自上年春後大國所以待小邦者情急靡替而小邦之所以獲過大國
者種々非一大兵之加累所以自取君臣上下惴々度日只待死而不圖
聖德如天俯思矜閔思所以保全宗社本月十七日皇旨有曰若爾國
盡入版圖朕豈有不生養安全字之若赤子者乎二十日皇旨有曰朕
開宏量許以自新思言一布萬物皆春真所謂生死而骨肉者也東方
之人子々孫々皆將誦陛下之功德况於臣之躬被再造之賜者乎今
之所以補臣奉表願為藩邦世事大朝者亦出於人情天理之不容已
此臣所謂君臣之名非可以苟立者也臣既委躬陛下則其於陛下之
命固當奔走奉承之不暇而至於未敢出城之由則臣之情勢誠有如
前所陳只此一歎臣有死而已傳曰人之所欲天必從之陛下即臣之
天也豈有不曲思採量者乎且陛下既以貸罪許臣々既以臣礼事陛

下則出城與否特其小節耳寧有許其大而不許其小者乎故臣之所
望欲待天兵退舍之日親拜恩勅於城中而設壇望拜以送乘輿即差
大臣充謝恩使以表小邦誠心感悅之情自茲以往事大之禮悉昭帝
式永世不絕臣方以誠信事陛下：：亦以禮義待小邦君臣之間各
盡其道貽福於生靈見補於後世則今日小邦之被兵宗為子孫無疆
之休慶矣尔和諸臣事前書亦已略陳大抵此輩敢為謬妄之言壞誤
兩國大計此非陛下之所惡宗小邦君臣之所共憤也鉄鉞之誅有何
一分顧籍但上年春初首唱金諫洪翼漢當大兵到境時尔拜平壤庶
尹令渠自當兵鋒若不為兵前俘獲則必在本土班師之路不難縛致
其他被尔在外者道路不通未易尋其去處此則理勢然也以陛下大
度仁恕想能包容而濶略之立欲窮究請於師還之日查得其人以待
處分謹昧死以聞虜荅曰龍馬二將在外未還明日更來云

金尚憲自裂書之後却食不入口者六日命在頃刻聞有尔和臣送虜之舉始起飲食曰我若不食先死則人亦謂欲避虜陣之行矣乃詣闕待命前大諫尹煌亦詣闕請命其子正言文舉上疏請代父往虜陣上荅曰予無此意千萬勿悞尹集吳達濟亦上疏自首不荅蓋以將有查定尔和臣之舉也

同上

夜三更賊自西城李時白所守處潛設雲梯踰入之際去城纔一尺許守禦使軍官先覺之急取棧杖進前再擊而忙甚不得中乃以其杖直衝賊背墮之城外仍蹴眠者使起先以乱石投下次用碎磨鉄絀之砲矢賊三進三退黑夜初不知所殺多寡翌朝見之則冰雪之上血流盡赤可知被殺者多矣

胡法以戰死軍收屍者為功故死屍則絕無矣

守禦使李時白初以軍

卒皆無被甲者死生當與共之終不被甲胄至是上屢送內官勸署甲胄終不承命身被兩矢蓋時白所領者居處甘苦一與之同竟得其

力獲雲梯防牌弓矢等物方酣戰之時賊又自南隅金外及東門外稍北迫城皆敗而退及其危迫穀三人鑿穴以為藏身畜生之地後人稱之曰尹穴鄭穴崔穴云

同上

午時賊自西門呼曰昨日之使令何不來皇帝甚促故程令可決矣速來聽言洪瑞鳳崔鳴吉進去虜荅曰兩事皆不欲為則不可白於皇帝當與諸王子議之賊自曉凡五次迫城而三處皆敗兩處自退人心煩慰而儲穀將盡勢無奈何厥後聞被擄人申景瑗之言則退計數三日間清主召諸將令曰城久不下罪不可赦可於明日屠之然國王則必生擒可也諸將聽命而退俄有數十輩進前請曰此城之險稟天所設若欲攻滅必致死傷之多不如堅守松城待其自涸之愈也清主仰視

山城良久曰罪不可不誅宜亟如命眾遂退去云

亂雜
日記

二十五日賊又向西門呼我使李德涸

相臣有
病代

李睭求崔鳴吉出注則

賊還送昨日所傳國書而言之曰皇帝以爾國不為受命怒欲殲滅而
急於還故專以此委之十王子及龍馬兩將明欲發行之、後雖欲和
不可得也同上

賊大砲連中城堞一隅幾盡破壞女牆則已無所蔽乃以管餉空石四
五百窠之以土積以成城灌水為水大砲雖觸別無所害申景禎可謂
有將帥風丸之落於城中者無遠無近無時不落人皆不敢出頭同上

忠清監司鄭世規兵到本城南三十里全軍覆沒僅以身免江原監司
趙廷虎兵到城東二十里山頂合戰而一日闕敗忠清兵使李義培慶尚
左兵使許完右兵使閔林合兵到城東南三十里兵敗皆死全羅兵使
金俊龍兵到城南四十里地保險相戰終不能支乘夜潰走全羅監司
李時昉慶尚監司沈演等兵絀至聞四將敗亡皆望風自潰副元帥申
景瑗自寧邊赴援兵敗被擒都元帥金自點自黃海道赴援且戰且進

兵多散亡只領親兵數百到城東七十里揚根峽中依險自保咸鏡監
司閔暉徽南兵使徐佑申北兵使李沆千里赴援人疲馬困皆入揚根
峽中為彼大兵把截蓄縮不敢前平安監司洪俞為兵使柳琳從間路
赴援到江原道金化縣為彼兵所攻俞者敗死陣上柳琳收餘兵力戰
勢不敵而走

逢川集

清兵過城下清主自乘大橐馳覘望城上無一兵旗無一人拜曰大軍
臨城安靜如此守城之將必有智略不可攻積草城外因風縱火從烟
外引去蓋惧其追蹙也公勦兵五千餘人與巡察使洪公俞者相會次
于金化候吏言賊陣于十里外公欲入掘縣北山城洪公不可又曰賊
衆我寡必合兩軍庶可當也洪公又不可先陣于縣南塔谷公曰地勢
夷下不若移高洪公又不可公陣于其左栢田之阜三面陟絕一面連
山亦中断如蜂腰依林木布兵設柵為固翌日質明賊先犯右陣之前進

退者數三俄而數千騎自後山馳下而壓之疾若風雨衝截兩陣之間使不得相救一瞥之間右陣已潰洪公死之賊乘勝向公陣右陣敗卒與賊相蹂躪而入前營將具賢俊死之陣中驚擾難次公立馬高起大呼曰我在此無動將士始迺立致死力地形既我俯彼仰而栢林且密虜騎不得突矢亦多著樹不及人我兵馬之從其隙發砲一丸輒貫數三人賊少退公復娖隊整陣令軍中曰矢丸無多不可浪費賊到陣前數十步之近我當颭旗汝等覘我旗各發違者必斬令既下賊分兵迭進輒盡斃之積屍各柵日晡時賊傾陣而進有白馬將馳上下指揮公擇十卒使潛踰柵外並發砲殺之果貴將也然終日苦戰士卒疲極或有從後亡去者公命樂為戰捷舞以激厲之士氣復振昏後賊始退偵者告虜陣中哭舞沸天而援軍絀來不知其際公曰今日之戰幸而得勝而矢丸已盡不可復戰不若乘勝勢移陣間越南漢畝收軍中破銳

藏葉繫繩參差其長短而藝其端散挂栢林而去砲拜續發竟夜賊不敢逼既明大劫而來陣已空矣駭愕不敢追公全軍趨狼川復整兇械向
南漢聞和事成詣京城外待朝命以本任還營金化人為公立碑于
陣墟之前以旌戰功

柳琳
全碑

申景祺具宏陣下將官又來闕下請出給卅和臣至入政院喧呼不止
承旨李行遠挺身出言曰雖當危急之日大內不遠之地何敢乃爾軍
人等張目盛怒而前曰李承旨似是才略之人吾等若陪往虜陣則可
以成功速出々々同官使之効避然後乃止軍人自此將有作亂之狀
人心汹惧人言同是一城守堞之卒只是申具管下詣闕云又卽教諭
摠戎將官亦來請而摠戎副使元斗杓杓不知西城李時白之管下則
無一人來者

丙子
錄

洪瑞鳳崔鳴吉金蓋國出虜營言世子平卅和人欲出城之意荅曰國

王出城然後可也仍以江都所獲內官及宗室珍原君出示又以大君手書及宰臣尹昉韓奐一及懷恩君等狀啓授之曰吾已取江都爾見此為信又曰淑儀嬪宮及大君夫人則令本邑人陪行吾兵在後使不至驚動明：當到此而士夫家屬亦不被害京城宮闕皆不燒火府庫則並封標守之待國王出城然後奉入于闕只欲以世子及大君北去而君輩疑惑不出何故也仍指天而誓曰須以我言為信勿為猶豫城中始諳江都失守或疑其詐為書賁之上曰此大君手字書則不誣矣士夫中家屬之在江都者十居八九聞者始驚駭莫不掩泣氣象之慘不可言矣

亂雅
日記

江都負海為險雖以百萬之賊亦不能飛渡群情自固晏然朝夕金慶徵日與親屬從容杯酒酣戲度日三月重圍晝夜暴露而一度狀啓終不通問每揚言曰父為都體察兒為都檢察為國辦大事非吾家父子

而誰進士沈熙世尹宣舉亦呈書責之曰薪膽即事杯酒非時云而終
不採用甲串以下燕尾以北曾無一人持杖者矣分司以三南散亡軍
卒督發事令李敏求從海道出巡慶徵又不許送金尚容謂慶徵曰汝
之年歲今幾何安敢乃爾汝父奉主上在圍城中朝夕危急縱不念
主辱獨不念老父乎三南督兵在吾急而汝何敢私自容護慶徵退
而茂愠投印于地曰此事吾所不知敏求遂不自安乃提大舡盡載家
屬將欲自帶而行金相聞之曰安有平妻子副察使乎若此軍不若不
往之為愈也敏求果不去賊中走回之人來言曰賊屯聚三江撤屋材
或造者皮舡或造童車其意蓋在於江都也慶徵擊掌大笑曰江水尚
堅豈能陸地行舡乎正月二十一日通津假守金邁急告于慶徵曰賊
或以橐駝載舡或以童車載舡已下於甲串津頭夜水將渡矣慶徵始
有惧色使李一相朴宗阜分付把守之策分給火藥鉄丸等物而量錢

計數介：置簿人言，府軍累積如丘山。今日若不用，更待何時？慶徵曰：「此皆父親所辦，吾何任意用乎？」人皆恠且痛，烏使韓興一鄭百亨平城中避亂人，分付守城，堞毀堞頽，壁四面無完，遽捨長江天塹之險，以空拳還守城，堞其能禦乎？賊兵屯聚越邊，以紅夷大砲乱放如雷，聲震天地。慶徵敏求惶恟，莫措避坐倉舍之底。一軍搖亂，以者皮船數隻載數十餘人，泛中流。慶徵來言于政丞前，曰：「城中事虛踈，吾還入府城為守城之地。」佐即任善伯，奮欲一戰，而事無可為，自投水中，拯之而活。來言于大君前，曰：「長江長設天之險，舍欲何之？國之存亡在此一舉，固當死守。」大將還入，則衆心沮喪，軍兵潰散。檢察使決不可還入。大君顧謂慶徵曰：「令公不可入。」慶徵退坐倉壁之底。善伯又告于大君，曰：「賊舡輕疾如飛，我之戰舡則難運於退潮之時，不可專恃舟師。」莫如布陣鎮海樓下，大張砲矢，期於五戰。且守城有同兒戲，駟出城中，軍士皆用軀。

府軍兇專力於津頭似為宜當大君曰我當走馬入城軍丁軍兇躬自
領來此意便急告大將善伯告于慶徵：：但唯：而已俄而賊舡忽
然前進一手持楫一手搖櫓留守張紳以舟師大將領舟師自廣城乘
曉潮上來未及甲串一馬場潮退甚急戰舡不能運張紳叩背而已忠
清水使姜晉昕自燕尾亭來與賊力戰賊舡被陷者數隻晉昕舡亦被
大砲者數十穴軍兵死者數十人晉昕身被賊矢而所奪賊矢及他戰
具之物亦多張紳見賊勢甚急無意前進晉昕呼於舡上曰汝受國厚
恩何忍如此吾將斬汝紳終不動順流而下井浦萬戶鄭挺為先鋒陷
賊舡一隻將為進戰之際張紳擊鎗退軍鄭挺仍為還退賊初疑其設
伏不為發舡及賊舡一隻衝過戰舡之間先為泊岸下陸者七人而無
箭可射只手一劍無馬步行繞岸而北上岸周望知無備結其陣於高
處以白旗招越邊之賊然後賊舡蔽海而渡本道中軍黃善身力戰死

之慶徵敏求棄馬先走與張紳同乘戰舡時慶徵張紳之老母俱在城中而皆自乘舡而走兩家老母皆死城中嬪宮大拜痛哭步出關門外欲為出城而城門已閉自知終不得脫招內官金仁徐厚行泣且言曰吾與大君當死於此不忍見元孫之同死也汝抱而出幸而渡江則藏匿於某處死生之際汝其善處之金仁卽抱元孫走出大呼曰吾奉元孫欲出若不開門當斬守門者閔光勲受命開出乘舡浮海到喬桐仍向唐津前右相金尚容脫所署付諸下人曰汝若全生以此衣傳諸兒輩以為他日虛葬之具仍往南門踞大藥櫃他人之在傍者皆命麾去金益無權順長終不去曰大監狎為好事耶金相放火自焚益無順長並死之尹昉以宗庙提調在於庙主奉安之処及賊至昉呼曰汝殺我賊不應投庙主於污溝中昉收拾庙主裹以空石載諸卜馬曰渡海時當投死賊迫脅下陸慮其庙主之見棄於賊分載奴僕衣袴使婢子

乘其上八城之時謂日已暮直至其家置之堂中翌朝懷恩君馳往昉

家欲奉還甫寧殿神主則昉拍當隅藁為曰君可自擇云事定後三司
俱發論以按律上以為失宗後正言李撙還自瀋陽極陳廟社汚蠱

宗狀上始知非誣付昉放還而終前都正沈覲之侄東龜議舡於江
口請避之覲曰國破家亡生復何為遂正其朝服北向而拜書遺疏曰

宗社亡矣無可往矣臣與妻宋同日自決以報國恩付外孫朴長遠遂
夫妻相對而縊賊逼出嬪宮及兩太君遂縱兵大掠金慶徵夫人死之

李敏求妻為賊所留二子元揆重揆被殺李垌尹新之在防禦之昉其

父在於城中而皆自乘舡以避亂定後俱被重劾

江都錄亂雅
日記合錄

二十七日上曰宗社已陷予無可為者乃決出城之意使李弘胄崔

鳴吉金蓋國持國書往虜陣其書曰朝鮮國王臣姓諱上書于大清國
寬溫仁聖陛下臣於本月二十日欽奉聖旨節該令爾困守山城見朕

手詔切責方知悔罪朕開宏面許以自新舍爾出城面朕一則見爾誠
心悅服一則樹恩於爾復以主國旋師後示仁信於天下耳朕方承天
眷撫定四方正欲舍爾前愆以為南朝標榜若以詭詐取爾天下之大
能盡譎詐取之乎是自絕來歸之路矣臣自承聖旨仰感天地容覆之
大德悛附之心益切于中而循省臣身罪積丘山非不知陛下恩信明
著絲綸之降皇天是臨而猶懷惶怖累日徘徊坐積逋慢之誅今聞陛
下旋駕有日若不早自趨詣仰覲龍光則微誠莫伸追悔何及茅惟臣
方將以三百年宗社數千里生靈仰托於陛下情理誠為可矜若或事
有參差不如引劔自裁之為愈伏願聖慈俯鑒五忱明降詔旨以開臣
安心改命之路謹昧死以聞

丙子
錄

金尚憲自縊將死李敬輿力救使不得自決翌日又有欲送胡陣之議
故竟不死鄭蘊自分立死同鄉人曾有請銘者即日搆製使其弟子傳

給其人又製詩數首及衣帶中贊其詩曰生世何戲險三旬月羣中一身無足惜千乘奈云窮外絕親王士朝多賣國兇老臣何所事腰下佩霜鋒又曰碗拜四發如雷震衝破孤城士氣汹惟有老臣談笑聽擬將茅屋号從容又贊曰主辱已極臣死何遲舍魚取熊此政其時陪輦出降臣竊恥之一劔得仁視死如歸即以佩刀刺腹中流血滿衣衾尚不死人有往見之則笑謂曰讀古書不解其意今日我之不死雖謂之詐死可矣古語曰伏劔而死伏則犯五臟卧則五臟不犯今而後始知伏

劔之義

同上

二十八日金塗請以金尚憲鄭蘊尹煌尹文舉吳達濟尹集金壽益金益熙鄭雷卿李行遇洪琢亦十一人出送虜陣益虜以只許介和臣洪翼漢之外更無所送不許講和勢將加送而金塗難於取舍洪瑞鳳言於金塗曰吾亦所請十一人太多更為請對送畧千人為當金塗答曰

令聞大監之言必知某也當送某也不當送若指示可送之人則當從
台言大諫朴瑬往見金瑬曰今日雖送數人可以塞責不須多至於十
餘人吳達洛尹集當初上疏力主斥和此非私罪今送兩人亦甚不忍
與其終不得免豈若以送兩人乎金瑬曰當初廟堂若的指可送之人
如今言則吾何至多請今以令言當只送此兩人朴瑬曰若使吳尹子
弟之情言之終必怨我以朝廷之事言之不差少送之為愈也終乃只
送吳尹者從朴瑬之言也尹文舉初不干於斥和之議而以其為父代
往為請故亦置出送之中人尤以為冤仍朴言得免

同上

山城居徐欣南者持諭旨出去諸道八來言過虜陣佯若發病之人不
得入城者然脫裾弊衣匍匐而行則有一冠珠冕者被黃衣張黃幕坐
鉄片上以炭煖其下此必是汗也憐其行乞賜以食不用手以口就食
放洩矢於坐賊皆不疑俄而膝行而前稍遠賊卧起而疾走踰柵入城

汗疑其刺客翌日移陣於三田浦欣男素以無賴或為巫覡或以吹鉄

為業今乃如此人不可蔑視也

同上

洪瑞鳳崔鳴吉金蓋國出虜陣講定出城節目則賊曰此事從古自有

規例而茅一等節目

蓋指啣壁與觀也

恹不用之從茅二等節目行之為可只

使卒從臣與輿金合五百人去其威儀及軍卒云鳴吉等曰國王常著

袞龍衣當以此見耶荅曰不可衣君亦所著藍色服可也曰出自南門

如何荅曰有罪者不可出正門自西門出可也行禮後即當復于京闕

爾無不信上與世子所著青衣達夜縫進其夜龍馬持汗書來傳其

書曰寬溫仁聖皇帝詔諭朝鮮國王來奏具述二十日之詔旨且慮計

宗社生靈明降詔旨開安心故念之請者超朕食言耶然朕素推誠不

特前言也踐併與以後日之維新令盡釋前罪詳定規例以為君臣世

守之信義也爾若悔過自新不忘恩德委身歸命以為子孫長久之計

則將明朝所與之誥命冊印獻納請罪絕其交往去其年号一應移文
奉我正朔爾以長子及再一子為質諸大臣有子者以子無子者以弟
為質萬一爾有不吳則朕立質子嗣位朕若证明朝降詔遣使調爾步
騎舟師或數萬或刻期會知不得有誤朕令回兵攻取撥島爾可設舡
五十隻水兵槍砲弓箭俱宜自備大兵將回宜獻犒軍之禮其聖節正
朝冬至中宮千秋世子千秋及有慶吊外事俱須獻禮命大臣及內官
奉表以來其所進表箋程式及朕降詔勅及有事遣使傳諭爾與使臣
相見或爾陪臣謁見及迎送饋使之礼毋違明朝旧例軍中俘係自過
鴨綠江後若有逃回者執送本主若欲贖還聽從本主之便蓋我兵以
死戰俘獲之人爾後毋得以不忍縛送為辭也與內外諸臣締結婚媾
以固和好新旧城垣不許繕築爾國所有兀良哈人俱當刷還日本質
易聽如旧但當導其使者赴朝朕亦將遣使至彼也其東邊兀良哈避

居於彼者不得復與貿易若見之便當執送爾以既死之身朕復生之
全爾垂亡之宗社完爾已失之妻孥爾當念國家之再造異日子孫
、毋違信義邦家永奠矣朕因爾國校詐反覆故茲詔示同上

是日吳達洙尹集將出虜俾氣色略無異於平昔差強人意 上引見
痛哭賜酒與別曰汝等父母妻子予當終身顧恤此則勿以為念云吳

尹亦潸泣拜謝而出數年給米之後更無恩典

同上

二十九日國書曰朝鮮國王臣姓諱上書于寬溫仁聖陛下小邦曾有
一種浮議頗能壞誤國事上年秋後臣摘其尤甚者若干人並為黜斥
而首唱金諫一人當天兵到境時差平壤庶尹督令即日進前或為兵
前所獲或從間赴任俱不得知之今在城中者雖或有雷同和附之罪
比前斥黜者則輕重相懸然伏見前詔旨宗出恩愛小邦之至意臣若
終始持難則恐陛下未嘗本國事情疑臣有所容隱臣之誠心向順之

意將無以自白故查得二人送詣軍門以俟處分謹昧死以聞

同上

崔鳴吉與李英達領吳尹去到陽坡謂二人曰君等若從吾言則可以得生吳尹曰何謂也鳴吉曰君等多引向時尔和之臣則彼不能尽誅君等可以得生吳尹曰不可豈以吾二人之面生盡陷他人於不測之地乎及到虜陣鳴吉各解其帶反縛兩人親自獻之虜問於庭下吳尹不屈鳴吉還來嗟嘆曰吳尹若一如我所指終必無害故出去之時多

般教誘而及至汗前取荅相反必是畏恟而然云

丙子錄亂雅
日記合錄

白沙之庶子李箕男為體答使幕下自言吾以休答稟命事在御前時

崔判書方押率二臣同往虜中上曰予於食後當引見二臣而送之

崔判書曰虜甚催促如欲引見而送之則臣當先往以听其言上曰

諾崔判書遂於朝前即往虜營二臣則果引見只使軍官押送取謂俱往陽坡者豈非誣乎尤菴問於箕男遂則去陽坡一段於三學士

傳

黃岡
問答

三十日：色陰慘

上與世子服藍色戎服乘馬出西門城中皆大拜

痛哭拜震天地汗曾陣於三田浦設壇於浦南為九層堦張黃幕立黃

傘覆以黃錦遮日壇上鋪龍文席雲錦繡蛟龍褥：上安黃金床汗坐

於床上方自彈矢使諸將耦射而觀之上到松城內與馬將班荆而

坐語少頃即上馬出松城門步行百許步平三公六卿八拜於平地泥

土上群臣請鋪席虜荅曰皇帝前不可自尊上行三拜九叩頭之禮

仍引入升階西向坐於諸王子之右與蒙王相對行酒動軍樂臨罷贈

上以貂裘兩領次給大臣六卿承旨各一襲上服其一襲行謝於庭

大臣以下亦以次庭謝仍使江華來淑儀嬪宮兩大君及大君夫人見

於上又出崔鳴吉家屬與之鳴吉頓首而謝乃令上還宮一如前

日之約遂三拜而出東宮嬪宮鳳林大君與夫人則將入瀋陽故因留

陣中 上夜深後始入城東門室屋嵌然間無人語惟聞犬吠三兩拜
自遠而至路中死尸相連至有不得不履處 上由通化門入宮宰臣

及吏卒人馬皆於闕內寓宿

丙子錄 亂雅
日記 合錄

高明言青城則當死南漢則不必死青城南漢事勢雖似微不同然南
漢出城之日即青城拜賊之時也如不忍 上之拜賊而死則青城南
漢何擇焉且在青城則諸臣有死而已在南漢則稟有常諫之道當

聖上之出城也牽裾叩馬爭之以死社稷之義幸而從之則一城為忠
義之鬼不從則狎死無愧以此謂非正理是以北地王謂非忠義矣嘗
以為鄭大夫雖不幸不死而即令第一人吾必以此老當之我東稍知
名節自好而滿城諸臣無一人致死者豈天之將喪我東棄彛先墜而
然耶抑又思之當時渠先決死然後方可以勸上死好生惡死恒人之
大情也舍生取義豈易見耶以此自解而不得不為公惜之也今承下

示始審盛意然則金鄭兩爺之事為不中其不死非不幸豈有是理哉

無乃當局而迷耶

同春與
尤翁書

宋相方在南漢圍城中常以短刀絛繩隨身而語人曰 上若出城則

吾又當以此自決云々人皆目之以恠酸花蓋言其言論之太酸也逮
當出城之日不能辦死又以為不必死故同春貽書責之云

宋堤川
所傳

春翁書聞而未見今幸得而讀之不覺爽然自失蓋覺淺陋之見未曾及

此惟以先曾祖與鄭桐溪力爭和議不從下城為無歉於自伸自靖之

義矣今以此書所論推之則當日之義似不止此而必拚得一死然後

為正此又是極等之論豈朱夫子所謂文王固高於武王而太伯又高

於文王者耶天下義理真是無窮誠非淺心粗識所得以論斷也

農岩
集

○公當國二十餘年是非叢集余嘗誦金文正之論曰遇亂畱存或稱達
權此豈非稱停之公言耶銘曰敵強事去勢無奈何君父之急曷顧其

他效死之義非公不知達權而存先正稱之云々

左廣所撰
昇平碑文

玄石問曰得見尤相所製昇平碑銘耶余曰我則未見而向聞文谷之

言其碑中下城一款亦不以為非云尤相平生以大義自任今以下城

一款為是至於谿谷碑銘北碑一款亦不以為非云且目遲川嘗以為

秦檜向日南雲路李彛仲諸人為崔汝和再次書救便許以宗社之計

亦不以為非云此丈大義將故虛套云矣玄石曰果如文谷之言矣聞金

魯得要李喜朝紹介三次往來製此碑銘豈有如許事耶

明村
雜錄

文谷所傳之言是矣茅達權而存之語以為清陰先生之言未知清陰

此言發於何處耶若然則雖用於完城可也

明翁答羅
良佐書

○沈誦賣國之罪極天罔赦 孝庙初沈司諫上疏申寃則 孝庙大

怒曰國家若有紀律則下城之初即梟示於城頭可矣今者 先王晏

駕之初謂余不知當日事有此申白之意事極痛駭亟命追奪誦爵命

竄沈司諫矣 顯廟朝沈攸氏亦為申疏重被叩譴沈叅議三兄等迭

為守令厚賂恠川積年經營而得其諾恠川假借清陰之言伸白還贈
孝廟所棄之爵此豈人臣事君以正之道也負孝廟無大於此矣清陰
山城日記少時得見則只曰諱也迂濶只以雖夷狄不可欺為意雖曰
我是假大臣必非賣國而然也非謂本無此語云也今者恠川籍清陰
此言而反曰本無假大臣語云此則誣清陰亦大矣

明村
雜錄

二月二日汗發行 上出東效送之汗由箭串馬場仍向揚州踰蓋潭
嶺仍往西路餘兵排日撤去至十三日乃止可知其兵盛

丙子
錄

我國人之被擄者不敢出城或潛啼暗泣垂淚向人或舉頭合掌出伏
道在如有所訴賊若見之必以鉄鞭捶之或有黷粧塗粉揚、馳馬者
此則乃閑西官妓云或有偃卧於賊兵之中橫吸烟竹畧無戚、之容者
不知此何人心士大夫妻妾及處子不忍露面見人或以衣蒙頭在、

皆然賊當初皆平其老弱妻子而來可謂無我國矣

同上

三日龍馬兩胡平鄭譯來闕下金湓妾女被虜曾達於

上請於龍胡

上從之龍胡不荅金湓言於龍胡曰若為贖還當給千金云被擄人價

之重案由於湓龍胡出去時金湓下庭據抱鄭舍壽屬耳言曰今與判

事：同一家判事所請吾豈不從吾之所請判事亦何忍拒之女子贖還

事判事須十分宣力命壽不荅金湓抱持移時舍壽^苦之拂衣而去孟

胡俗以相抱為親故也

同上

世子夕到闕下從胡五六人陪行八來未久促行甚急命壽以下跨馬

出入闕中如道路然命壽又促世子暫來即還臣子之痛尤如何

同上

具宏自還都以來揚臂大言曰尹煌常言虜若八來平吾八子亦可擊

却云八子而安在主倡斥和使至此極若不斬尹煌何以為國乎大少

武人仍此生氣視文士如奴隸蓋自謂守城之功出於武將之手今日

下城北若中興然驕橫若是

同上

六日 上往西江城山九王子所在處世子亦在其近處 上先詣世

子幕次然後往見九王子乃汗之弟九弟也九王中路來迎之 上馬

上相揖並轡而行到其幕分左右相對而坐侍臣列立於後九王寒暄

後設饌行酒動以軍樂九王以其食餘賜其將官 上亦依九王取為

分給左右而侍臣之前設饌飢渴之餘人皆甘食不食者只三人東陽

尉申翊聖翰林李之恒等而已 上還宮時世子落後泣辭

同上

八日十王子還 上幸梁徹坪送之世子嬪宮及大君夫人皆北行百

官号痛 上亦泣下此日景色誠古今之所罕有也

同上

賊平明行軍我國人數百先行而一二胡跟去終日不止後日瀋陽人

市六十萬而被擄於蒙古者不在此數其多可知也

同上

義州譯官韓甫龍者陷於胡以胡譯來曰我雖陷胡豈無為本國之心

乎人有問曰今番兵馬幾許甫龍曰軍号二十萬而其宗十四萬也曰賊兵之^死於我國者幾許甫龍曰不過數萬人曰賊將有死者乎甫龍曰汗之妹夫賊秩如我國防禦使者死於光郊山之戰矣曰其時瀋陽無兵乎甫龍曰彼豈空國而來亦有六七萬矣^{同上}

懷恩君德仁陪 甫寧殿神主於江華彼駟迫偕嬪宮至所坡而還與清兵同知凡六日述清陣中事曰其桀驁衝突之狀天亦可崩又曰清兵自号二十萬詳問于丁卯被擄諸人則宗七萬蒙兵三萬孔耿兵二萬合十二萬矣又曰清主於去年稱帝時使人通示本國：、不能善遇而猶遣荅使故以冰合後出去之言恐之即治兵馬卜十一月二十七日為西犯之計曰鮮心使人來乞當報還而發過是日我使不到又卜二十九日曰姑待數日可也又過是日曰鮮罪不可不先正遂定東

搶之計分三運出來云矣

亂雅
日記

懷恩君之女曾為清兵所獲曰聞是王兄之女且納諸皇帝即定侍婢
護行及獻皇帝以為六皇后後庚辰年賜其功臣皮牌博施多立后以
賜功臣者蓋其國古例也同上

賊兵回還時留孔有德耿仲明兩賊造舟龍山乘舟而下與我國合勢
以犯檄島有德仲明初以唐將習於舟師曾叛據山東為天朝所擊浮
海投賊者即所謂孔耿也我國以林琳為首將林慶業為副將隨孔耿
同犯檄島檄島在海中非但泊舟甚難周設大砲賊累日不敢犯問策
於我國兩將辭以不知賊或威或誘慶業曰島之一面阻山之下海水
相通島人不設備於此若乘夜舉舡踰山潛渡以入則可以陷之賊大
善其計一如林言終以此謀陷島慶業佯托逗留多殺賊兵而陷島之
計專出此人及其八島我國之軍殺畧漢人有甚於虜賊島人僅以五
六舡浮海逃生都督沈世魁死之

清人議攻檄島請得公為將到鉄山謂清將曰我雖病當以導在先戰若勝則子女玉帛我當專之清將難之曰公病難涉海林慶業亦可代公將公宜留此治病以此不與戰事皇朝諜知之廢授公以提兵帖因

海舶來宣

林琳全碑

丙元帥沈完遠金自點命絕島安置張紳金慶徵賜死姜晉昕正刑忠清水營軍卒詣闕号哭上書備局累伸晉昕之至究竟不免於死初晉昕與慶徵同在禁府聞賜死命下慶徵号哭晉昕笑謂曰雖哭可免乎其室鈕給斬頭人曰此是利鈕以此速斬我而汝持去缸上力戰無如晉昕而終至於死臨死從容又如此此誠壯士之有所守者人皆惜之水營軍卒無少長皆追思垂泣如悲親戚云

丙子錄

張紳臨結不服可於本罪加一等而使之自盡自古安有自盡之軍律乎其寀與不殺何異

俞杞平全碑

初成均館大聖以下至十哲位版奉入山城東西廡位版則並奉座殿
後而蒙兵偶不堀出故得免汚辱

丙子錄

宗廟提調及禮官奉審于時敏堂則仁順王后神主見失而文定

王后神主則傷破又四位暫傷故請改二位傳曰六位皆新造後數日
上親為奉審曰觸傷油染之位仍為奉安殊極未安並為改造凡二十

九位

亂雅
日記

呂叅判甫徵鄭監司百昌友壻也兩夫人同避亂江都節死草葬事之
罔歛而顏色已度不知誰為某夫人終難為日浚合葬之禮故兩喪俱

葬於楊根兩家子孫輪回祭之

晦隱
集

李叅判敏求之妻尹暉女也在江都為胡所虜而去携其孫兒及婢以
從路由京中逢敏求兄聖求於路上了無愧惡之容聞者惡之李起等
護東宮之行到鴨江目見李妻隨賊入瀟之狀而其家言其死於慈山

其婚申昇護其喪返葬於原州聞者疑之

荷潭錄

李敏求妻及兩婦之事人皆唾罵言之醜也敏求以其妻死於嘉山謂之節死作誌銘盛稱其美求寫於東陽尉申翊聖人皆笑之妻妾之贖還者士大夫無不依旧同居新豐府院君張維獨以為失節之人不可為配以奉先祀厥婦贖還之後陳疏請令子改娶願訖政崔鳴吉回啓之辭曰如此則怨女女多不可不慮乃為防啓及張維死後厥夫人更為上書 上命只許此人勿以為例

兩子錄

○洪翼漢時為平壤庶尹賊之回軍時我國定差使員甌山縣令邊大中押送虜營大中束圍困辱使不得飲食翼漢哀乞解縛而不能到通遠堡胡人等問遠來之由出倉厚饋此雖犬羊猶勝於我國之大中也二月二十五日到瀋陽汗令礼部設宴享于館所似無相害之意三月踏青日有詩曰陽坡細草拆新胎孤鳥樊籠意轉哀荆谷踏青心外事

錦城浮白夢中來風翻夜石陰山動雪入春漸月窟開飢渴僅能料縷
命百年今日淚沾腮初七日招問時抗言不屈以文字書示曰朝鮮國
累臣洪翼漢斥和事意歷々可陳而但語言不相慣曉敢以文字控白
夫四海之內皆可為兄弟而天下無兩父子矣朝鮮本以禮義相尚諫
臣惟以直截為風故上年春適授言責之任聞金國將偷盟稱帝心以
為若果偷盟則是悖兄弟也若果稱帝則是二天子也門庭之內寧有
悖兄弟哉覆載之間寧有二天子哉况金國之於朝鮮新有交隣之約
而先背之大明之於朝鮮旧有字小之恩而深結之則忘深結之大恩
守先背之空約於理甚不近於事甚不當故首建此議欲守禮義者是
臣職耳豈有他哉但臣子分義當盡忠孝而上有君親俱不得已扶護
而安全之王世子大君今皆為俘虜老母存沒亦不知良由一疏之
浪陳以致國家之禍敗揆諸忠孝之道掃地蔑々矣自究乃罪可殺同

赦雖萬被誅戮宗為甘心血一釁鼓魂去飛天故遊故國快哉：：此
外更無所言惟願速死汗見此書大怒別因其隨行奴僕使不得相通
願後事情漠不聞知而或言初十日被害云

丙子錄

公之妻及兩子俱死於賊鋒老母一

女得全云

○虜撤故時使其一將主二公

吳達濟尹集

在陣後北去主者服公等節義

常加尊敬至楊花渡尹公寄其弟柔書曰始聞伯氏舍生之報寧欲即
死而為國家強食而生吾行蓋緣清國求去春乍和之人廟堂以洪翼
漢為對而又求在城之人城中通無其人吾與吳達濟陳䟽自當此乃
身自為之少無尤人之事矣只以老親不得更拜仰天泣血而已中路
謂吳公曰備嘗窘辱而死於虜地曷若死於我境耶吳公曰不可人生
斯世固有一死、得其所明我節義豈非樂事何必效匹夫之諒乎

尤卷

吳公裁家書至大同江宿村家潛以付家主老翁又書絕句於壁上虜
人邀漢人來見謂無他語遂去其老翁以其書封呈于監營送于政院
以傳于家有一簡二首詩乃上母夫人者也又有簡與詩各二寄兄及
妻者也其壁上詩則竟不傳其上母夫人詩曰風塵南北各浮萍誰謂
相分有此行別日兩兒同拜母來時一子獨趨庭絕裾已負三迂教泣
線空悲寸草情因塞道脩西景暮此生何路更故寧孤臣義正心無忤
聖主恩深死亦輕最是此生無恨慟北堂虛負倚門情其寄兄與妻曰
南漢當時就死身楚囚猶作未故臣西來幾酒思兄淚東望遥憐憶舅
人魂逐塞鴻悲隻影夢驚池草惜殘春想當彩服趨庭日忍作何辭慰
老親琴瑟恩情重相逢未二暮今成萬里別虛負百年期地涸書難寄
山長夢亦遲吾生未可卜頂護腹中兒聞者莫不流涕同上

四月十五日到瀋陽虜置二公於其所謂禮部衙門一小屋鎖直甚嚴

十九日龍胡坐礼部招二公去傳汗語曰汝等雖曰斥和似非首倡不
須殺汝等平妻子來居此地荅曰此決不可從須速殺我龍胡反覆開
說且劫勒之終不屈龍胡起八二公出語所帶奴曰今日虜必殺我美
奴驚泣曰何不姑從其言遽挑其怒自速大袂乎二公笑曰屈身之辱
反甚於死此非汝所知也同上

尹公謂其奴曰虜問及吾家屬者無乃欲袂及百口耶吾已荅以訖後
不知死生虜若更以問汝等亦若吾所對也同上

吳公謂尹公曰死者雖人情之所難而暫忍頃刻則終故不知不足畏
也况所畏有甚於死者區區苟活豈不鄙哉吾等若從彼言平妻來居
則終為左衽之臣是可忍為乎遂相與言笑自若進食如常有頃龍胡
復出引八二公而又執從行奴三人拘置牆頭時我國宰臣等被龍胡
招與叅坐龍胡復屬舞迫脅二公亦抗言拒斥者五六次宰臣亦再三

勸諭而終不聽龍胡知其終不降遂使從胡綫縛甚急而引出二公猶

面顧舊罵遂駢去城西門外即虜人刑殺處也

忠烈遺稿吳學士遺事

宰臣等相顧言曰吾等勸諭而吳學士獨終始牢拒以至於此真所謂

萬牛難回之人也

同上

宰臣朴德雨

漢

顧謂李輝

達

曰君獨不聞徐庶事乎使君親老聞君之

生存雖在異域不猶愈於殞命乎李輝終不應只低頭出涕而已

同上

十九日龍骨大招宰臣南以雄朴曾朴漢兼輔德李命雄于衙門致兩

人於前以皇帝之命傳言曰此人倡義絕和使二國成釁其罪極重而

皇帝重惜人命貸渠之死許率妻子入居于此而尹則曰妻子散於兵

亂不知死生從當聞見而處之吳則曰吾之濡忍到此者萬一生還復

見吾君與老母若不得復故國不如速死之為愈云此則皇帝欲生

之而渠乃促死勢不得不殺宰臣等曰此人等俱以年少只劫憲君親

之念妄芥如此若終始曲全則豈非千載之美事乎骨大曰此則宰臣
不識事體也愚乞不已而終不得兌質館宰臣等狀啓
卿與吳學士易書

六月六日質館書狀至上教于政院曰二臣事極為慘惻宜有廩具

家鄭弼善雷卿在質館使舌人愚乞收屍虜竟不許三學
士傳

兄嘗謂余凡人處死若不斷之於初而以姑待他日為心則至他日又
有待他日之心終不兌偷生苟兌之歸吾儕當以此為戒其在虜庭寧

踐所言兄於此事其講之素矣南一星祭
吳學士文

尹學士祖父龍陽公暹其兄府使公榮俱殉節死洪學士婦與二子及
子婦俱遇虜不辱潔已而死尹之義有所受而洪之義有所授豈非我

列聖培養之致哉三學
士傳

孝庙朝遣臣金如振啓曰洪尹吳三人節義宜有褒贈以樹風葬而當

初則迫於艱懼矣今歲月侵久保無他憂矣上即命施行同上

顯廟戊申問三臣事於遙臣吏曹叅判閔鼎重具本末以對左議政許積以為喜事釣名之人鼎重曰其時虜人敢誓天朝始建偽節則彼三臣者安得不痛斥乎上曰事係天朝大義當如是况能殺身踐言不

可謂釣名也

同上

南承旨柳華隱小諛曰中朝皇帝聞三君子以斥口者罪為營生祠而親祭云

戊辰二月南漢行在所引見時頒相南九萬啓自上臨御此地諸

處戰亡之人皆有賜祭之命三學士中尹吳二人自此城出送則與死

於此地者何異以此曾因遙臣啓請有立祠此地之命而因年凶尚不

舉行云使之從速舉行何如上曰分付該曹及本府使之從速舉行

可也留守李世白即為營立祠宇于城內賜額為顯節祠

忠烈遺稿



新編 勸業 勸業 勸業

勸業 勸業 勸業

勸業 勸業 勸業

勸業 勸業 勸業

勸業 勸業 勸業

勸業 勸業 勸業

勸業 勸業 勸業

勸業 勸業 勸業

勸業 勸業 勸業

勸業 勸業 勸業

勸業 勸業 勸業

勸業 勸業 勸業

